

AVESTA: Fragments

Aogemadaeca (facing death)

- 1 aogemadaecā usmahicā vīsāmadaeca.
(rasəm pidīrəm ḥarasañdhəm.)
- 2 ratəm ū gēθī padīrəm anāī ḥarəsañdəhəm pa margī.)
- 3 šatō-manā vahištō-urvənō.
(šāt q tan kē varzīt qni hōšrvən.
- 4 zaṭ gunast vānīt bāt gajasta gunā mainyō i dāmən u pur marg.
- 5 kē āgārīnīt kāaabuta ūi anaoširvən.
- 6 ūi anaoš rvən rā bahišt bahar bat̄.
- 7 u šumāicā ṇdar nihag zamən q rāmašni āsānī padīt avāž rasāt ku bēš ūi anaoš rvən hu guhāraṭ bāt.
- 8 hamē aṇt hōša bāma i sadīgar bəm cihārma sraoši ašō gaθī u rašn rāst vae i vahe āstāt yazaṭ i pērōzgar mahiri frāh gaoiūt fravaš ašaoqni u avarē mainvən kē hōškārī padīraīrvən ūi anaoši rvən aet̄.
- 9 u rvən ūi anaoš rvən rā hārīhā u frāxihā niw diārīhā awar ciŋvət fuā bē gudāraṇd.
- 10 jādāngō bāt pa rvən ūi anaoš rvən vahaman amēšāspaṇt.
- 11 boqđē mānī i hōrməzda amēšāspəṇđan barāt.)
- 12 usəhištaṭ vōhū manō hacā gātvō zaranyō kərətō.
- 13-14 (u ēdum pa rāmašni bēkunāt cim aṇdar gēθī hartanē kē pa rāməšnatar buṭ ēstāt cum oica āzādīhātar fraoxīhātar maṭ ēstāt cum oica āzādīhātar fraoxīhātar maṭ ēstāt.
- 15 fravaši ašōan orvənyoi ūi anaoši rvən ūi anaošin ḥarəšnidahaṇt ežəni maidyō zaramagāh kard ēstāt,) 16 ḥarəθanām hē

barētnam zarēmaiēhə raoγanahe.

(āvīnī maīn ūrīn ɳgavīnīn.)

17 yaθa vā ərəzatō paiti yaθa vā zaranyō paiti yaθa vā kācīt gaoninam.

(vahman amešāspən̄t vastarg zaryä pēšīt taxta zarīn o rvan anaoš rvan dahāt.

18 u hārəman dēwān matvā bāt kardan.)

19 pasca para iristīm daēva drvaṇtō duždājhō baoðəm avaθa fratərəsənti yaθa maiši vaherkavaiti vəhərkāt haca fratərəsaiti. (cum mēši guragä hēšīt kē əž bōi oi anaoš rvan frāž tarsaṇt.

20 cē har ə zāt u har əni zāet iŋ kār bē āwāyat kardan cuŋ iŋ vēhēšt bahar kardan iŋ zaməni maṭ əstāt rā əž iŋ i xən franaft vēhēšt baharu u garōθamən pādāšni bāt.

21 ci jāe pēdā hōrməzda zaraθuštra guft haməni tan xusrubī ham

rvan hupānāī.

22 ki ədar tan xusrubī u ənō rvan hupānāī ɳdar varomṇdiē pa aš dārəšn.

23 əmā dīt xšnāxt hēš uxustuār hōrməzda šnāinīdār buṭ u āharəman əarvinīdār.

24 u har kē awā ōi sar kār buṭ əž ōi pa əzādī buṭ ka sūdē ayå rāmišni buṭ aināzīānē duš hāriē azasnē buṭ.) 25 əaṭ mām tanvō iθyejanjhuhaiti mania manajha humatəm.

(ədum mən rā tani səzamaṇt manišn humaṇ.) 26 əaṭ mām tanvō iθyejanjhuhaiti hizvā mruidi hūxtəm.

(ədum mən rā tani səzamaṇt pa hizvā hūxt.) 27 əaṭ mām tanvō iθyejanjhuhaiti zastaēibya varəzaā raθwim hvarəštəm ſyaoθnəm.

(ədum mən rā tani səzamaṇt hardu dast varz əni frārum

kunişni.) 28 mā mām tanvō iθyejañuhaiti aŋrāi vauru fraspaiōiš yim

xrvanqtəm āisivanqtəm yim daiwīm afrakərəsvat təm frākərəntat aŋrō manyuš pōuru mahrkō būnəm aŋhēuš təm ahe yał ərəyətō daožaŋhāhe.

(ma mən rā tani səzumaňt gudīrašnī o ɣni ganā var awaganaeī sahmgni abimgin rəsgintarī kī ədum duž dast frāž šāyał gərəftan kə pa frəftarī frāž xarnīt ganā mainyō aŋdar bun axən nitəm aragdin dōžax.

29 jāe pədā hōrməzda zaraθuštra gufta,

30 ku mən dāt spitama zaraθuštra māh u hūrəšət̄ ātaš suhuri saojā u sag u vae u gaospən̄t̄ panjāēna bē əž harvəstīn məhə dāt̄ marda ašō kə əž mən bē padīrafta rāst ašahī stāišni iñdar vəhədīn.

31 bē cim cəh ədārən̄dyä duš parg dəwən̄ dāt̄ kə nəchīnən̄d əž barəhə.

32 u əž dāša bē framōšən̄d margī.

33 ɳdəšən̄d əž zamən kardärī u vadīrānī tan.

34 bē ham vār viāvən̄ hən̄d pa rāhiz.

35 u vadəq dārən̄d awar ārzūi varun.

36 u hāsta afriadišni xīn padmōžən̄da rāhištəh.

37 u Əaramanəšni mast əstət̄ pa jvən̄i.

38 bē pur pašəmən̄ bən̄d pa rōž gār farzə.

39 ci agar gōeł hē ku pa haft kəšwar zamīn tanē bē awāyał murdan har kas ɳdəšīdan awāyał ku ma agar ɣ tan mən hōm.
40 ka ədun āgāh hət̄ pa ɣn hēš xarał u ku hōšmən̄d vioca dāt̄ əstət̄ hōšmən̄d oca būt̄ əstət̄ ə har kas bē rasət̄ astivəhət̄ niħə rawəšni frəftar.)

41 aməšił parō avaŋjhəi sən̄təm mašyākāŋhō.

(cuṇ pa ka ą rātōiša hāhəṇt mardum kašəṇd.

42 pa yak pēhan rāh du pēhan rā tōša hāhəṇt.

43 ka du pēhan rāh sōpəhan rāh tōša hāhəṇd.

44 ka dah šawa rāh pāzdaḥ šawa rāh tōša hāhəṇt.

45 mənət̄ ku zuağ rasəṇd o dōstəni vəhə āfrāgən ham padarən barādarānica.

46 cuṇ ku pa ą rah taoš nə hāhət̄ mardum kəž fraftan cārah nəst.

47 yak barəzišni frāž šahōt̄ ą dasca hamə hamə rawəšnīn.

48 cum aoşaŋha aoşaŋha khaiştəm isaiti tanva cum uruna cum frazəma cum vā gaeθāhvō mahrka cum.

(haraməṇd o ōi hōrməṇd tan anahastī hāhəšni o tan anahahī hāhəšni o tan ku tan nə bāt̄ cum o rvə ku rvə darəṇd bāt̄ cum o frazaṇd cum o gəham nən margī ku gōspəṇd nə awsihāt̄ ka īdum gāh hōt̄ pa qən i hāš xaraṭ ku hōrməṇd.)

49 anamarždakō zī asti havāi marždāi.

anāmōrzīt̄ hast kē nə qnī hāš ruq əmurzaṭ nə awaxšāeṭ c həci kas avarənī awaxšinīdan nə tvənīt̄.

50 hamōīn vā vyāvə həṇt̄ kə nə pa gəθī dīnī rawəṇt̄ nə hastə sūdinəṇt̄ nə būdə ayādinəṇt̄.

anāmōrzīt̄ hast kē nə qnī hāš ruq əmurzaṭ nə awaxšāeṭ c həci kas avarənī awaxšinīdan nə tvənīt̄.) 51 oim taṭ vāji taṭ avarə ījasāit̄ spitama zaraθuštra avēva vā

xašapa.

(yak rōz rasəṭ̄ spitama zaraθuštra ayā yak šaw ka frāj vaṭ rama xēāaṭ ayā frāž rama vaṭ hēāeṭ avā frāž jənən īruzutan.

52 nə ą ašahī kə əž hastən mahēst pahāum nikatum əž marda judā

bahaōt̄.)

53 aiarə āmiθnāitə juye tanušfrayaeirə ayä bayaiti hubaðrō hu paitianatō aða apar hē aiq duž āþrəm.

(hama añdar rōz jiæd tan məniç ku i e hamā jdar rōz awar šayēt madan ku fradā q dar rōz bom hū bahar u tuqgar u padīraft ku xuðāeñ xüb dāstī ëstat̄.

54 ham añdar rōz əž awar hāhənd duš hārī ku əž dar awāž gīrəñt

sr bē burēq hāsta awāž o šāigān nahənd hamədar rōziziðata u vae harēt vāieku ka pa þuhi vazēt i āsmān.

55 pa awar awəšni o inq gudargmənd zəmī.)

56 duš dātāiå fraešta drvañtō

(əž duš āgāhī i dušāgāhī frēhəst mardum drvañd u duš āgāhən kə mardhənd ądānuq kə cimīrənd əž nuq frāž.) 57 āał mraot ahurō mazdā frākərəstō astū vīðaituš ziražā apara ayō.

(guftiš hōrmazda ku frāž xarənīt̄ ëstət̄ astivihāt o āgārī i hōrmdan ku hōšmañdan ői bē vīnənd̄ ődum bē tarasənd ku gēθīhā awā drūž kušdan nē tvan u bē rawəšn ődum cuñ o pāš gōē.) 58 ahamat̄ hada naeciš buajayāt̄ aošaŋuhat̄am mašyānam. (kē nē əž ői kas božət̄ əž hōšməndan mardumən hāt bē nē bōxt ądā nuqən̄ ica dožət̄ əž nuq frāž.)

59 nōiñ aëθrapatyō nōiñ dañhupatyō nōiñ səsəuištāi nōiñ asəuštai.

(nēržał mōwadən mōwał u nē dēh dahēwał šāhə šāh u pa sūt sūt hāstār u kē nē hāstār.)

60 nōiñ usiştacō naēda nīšiñ.

(nē kē pa uaåi u aåvazał ka pa þihī āsmān añdar ššahōt tuq dahōš kē cuñ őqədəož hārəhə kārī dāstaš əž asti vihāt buxtan nē tuqnuł.

61 nē nē kē pa naonī frōt vazēt ku azərə zamī nihq bahōt cuṇ afryāsyā i tur kē azər zamī āhinəsāxt mān kard hazār vīr bāāāi pa stūn saṭ.

62 ağr ą mān pa star u māh xurşēt kardārī rāinīt kē rōšnī kunən̄t.

63 ağdar ą mān pa kām awāyasti i haš ce ziṇdagā nikitəm zīst.

64-65 cuṇ aož jādūsārī dāšt əž astivihāt baoxatan nē tuq būt.)

66 naēda frakinəm arjhā zəmō yaṭ painayā skarnəayā dūrapārayā.

(nē kē pa frāž xanişnī frāž xanət iṇ zəmī pahanā u gird u dūr u gudarg cuṇ dahāk.

67 əž hōşatar awar duşastar awar duşastar raft u axōšī hāst vaş nē vṇdat.

68 kē cuṇ əqđ aožtuq kardārī dāšt əž astivihāt buxtan nē tuq but.)

69 aijhōuš frašocarəθrā.

(ą əqđ frašogarkardār saošyōš cē ą dā saošyōš nē rasət u kas əž astavihāt buxtan nē šāyaṭ.

70 har kas bē rasət astivihāt nihq rawəšni frēftār.

71 kē druj u pār nē stānət guharīkār nē kunət.

72-73 anazdihā frāž vasīnət mardum u ɳ harahe maṇt ą rāh āwāyaṭ raftan u hargəz nē raftan.

74 u ą θiš āwāyaṭ dīdan hargəz nē dīt.

75-76 guft u patakār awā kas ki frēftan viāvā kardan nē tuq.) 77 pairiθwō bavaiti paṇtā təm iṇ dānuš apayaiti jafra fra bun taciatiš hā dīt aēvō apairiθwō yō vayōš anamarždikahə.

(vadaragmaṇdī bahōt rāh ka bē tuq šudan ka rōt paet u zufru frāž bina xajā kē būt kada buāand u ą zəmagudarg kē vai anāmurzīt.) 78 pairiθwō bavaiti paṇtā yim āziš pāiti gāustavā

aspanjhādō

vīranjhādō vīrja anamarždikō hā kiṭ aēvō apairiθwō yō vayaoš v anamarždikahē.

(vadargmaṇdī nahōt rāh ka bē tuq šudan ka až pāeti gā jaha u aspahupār u mardu hupār u vīrzadār u marzīt u q yak vadarg kē vae anāmurzīt.)

79 pariθwō bavaiti paṇṭā yim araša pāiti axšaenō anamarzdikō hā

diṭ aēvō apairiθwō yō vayaoš anamarždikahē vadargmndī.

(bahot rāh ka bē tuq šudan ka xarš pāeṭ ašiegun i spēt hōei vīr zadār anāmurzīt q yak avadarg kē vae anāmurzīt.) 80 pairiθwō bavaiti paṇṭā yim mašyō gađō paiti aēvajanhana

marždikō hā diṭ aēvō apairiθwō yō vayaoš anamarždikahe.

(vadargmaṇdī bahot rāh ka bē tuq šudan u ka bē tuq šudan ka mardu pāeṭ gadi ē žadāt jadār kē rāh pa tanē dārōt k kašica ziąda nē hēāēt q yak avadarg kē vae anāmurzīt.) 81 pairiθhō bavaiti paṇṭā yim haenayå caxruvaiθyå vyāzdayå diṭ ievō apairiθwō yō vayaoš anamarzdakahē.

(vadargaṇdī bahot rāh ka tuq šudan ka haiūn pāeṭ caharāmäd i vaå graft draoš barēt parəškardan mardumä or q yak agudarg nē vae anāmurzīt.)

[āaṭ mraoṭ ahurō mazdā,

dušxratūm apairi gaēθäm aθrāvayaṭ gāθäm.] 82 utadrvå

gaomasti uitadrvå aspəm isti utadrvå maešinəm

yavanjhəm aistə.

(ēdum qn drvaṇṭ gāh vaq diṭ ēdum qn drvaṇd aspa vaqdēt u ēdum qni məši rama vaṇdēt nē vaqdēt mardum drvaṇdi sāstār ramai ašahī.

83 ramai ašahī hāhēt zaraθuštra nra hēt nāirīk hēt cuṇ ramai

ašahī pur baojišn hast zaraθuštra.) 84 pāsnuš gavō pāsnis aspa
pāsnuš ərəzatəm zaranim pāsnuš nara
ciriō taxma.

(xāk bahōt gāu xāk bahōt aspa xāk bahōt sīm zara xāk bahōt
mard i θagī kārī jārī u o xākī gumēzōt hamā iṇ tan mardumān
nē ə yak o xāk mard aṇdar gēθī ašahī stāṇṭ ayā ašoṇ əiš
bahēt.

85 ci agar kas margī rā cār dāšt hēt ayā cār šāyašt hēt kardan
fradum əž gēθī gayōmard i gar šāh būt.

86 kē sə hazār sāā iṇ gēhā amarg azarmān u ašōyašna apōyašni
u

apatyāra frāj dāšt.

87 oi carā ka haoš frāž maṭ tan bē dāt u awā hōš liēš duxšidan
nē šāyast.

88 ayā hošiṇg būt pēš dāt

89 kē əž hamā vašūdagān āhārəman sə du bē avazat̄.

90 oi cirā ka hōš frāž maṭ tan bē dāt u awā hōš liēš koxšīdan nē
šāyast.

91 ayā tāhmūraf buṭ zīnawād i vīvājhāṇam.

92 kē dēw dēwā tam ganā mainyō pa bār dāšt hapt niwē diwīrī
əž

oi bē āwark.

93 oi carā ka hōš frāž maṭ tan bē dāt u awā hōš liēš koxšīdan nē
šāyast.

94-95 ayā jim buṭ šēdi huramai vīvājhāṇam kē šēdī rōšnī buṭ
huramai buṭ ku ramai mardumān gōspəṇdān u drust dāst kē
šāsət̄ şazdahi sāā mšakaš māh səzdahi rōz iṇ gēhā amarg
azarmān dāšt u āz nyāz əž dām hōrmazda awāž dāšt.

96 oi carā ka hōš frāž maṭ tan bē dāt u awā hōš liēš koxšīdan nē

šāyast.

97 ayā̄ dahāk buṭ u vatar dīn ku īu rōz nīm kam ku hazār sāā̄ īŋ gēhā̄ pa duš huđāī frāž dāšt.

98 u vas jāduī bazagarī aṇḍar gēhā̄ pēdāī āward.

99 ka hōš frāž maṭ tan bē dāt u awā̄ hōš hēš kōxśidān nē šāyast.

100 ayā̄ frēdūn buṭ āθwyāñan,

101 kē əž dahāk īduq garān gunāh tēm azt bast māzñūdar dēw āward bast u vasā̄ nīrang aṇḍar gēhā̄ opēdāī āward.

102 ūi carā̄ ka hōš frāž maṭ tan bē dāt u awā̄ hōš hēš kohśidān nē šāyast.

103 nuq spās dār hōm əž x̄x̄ma hātē hōrməzda hāđāi.

104 pa spāsdārī q̄ gārēm kēm storēm rā̄ maṭ jaṭ bār nē šahōt baxt āmaṭ spzxan nē šāyat.

105 ūi anaoš rvān rā̄ vēhēšt bahar bāt.

106-107 dahmān kē oīn myazdāmaṭ hēt əž īŋ myazda bahar girafت hēt har gāmērā̄ hazār dvst vēhēšt rōšan garōθmān hamā hārī padīra āet pa frāž āmaṭn kērēba bē awazāeāt.

108 u awāž ūdan əž gunāh bēn bēšyāt.

109 sar frān ašahī nēkī awazāyāt.

110 rvān garōθmānī bāt.

111 ašōəm.)

aθa jamyāt yaθa āfrīnāmi, humatanām.

Afrin-i Zartosht (blessing of Zarathushtra)

1 dahmō ahmi āfrī-vacā,

[paiti-aoxta zaraθuštrō puθra kava vīštāspa,]

x̄arənərjhā̄ me sađayehi,

āaṭ aoxta zaraθuštrō kavōiš vīštāspahe,

āfrīnāmi tava nara dañhu-paiti vohu-jīti us-jīti darəγəm-jīti,
jaite te narəm,
jaite te nāirikəm,
jaite te puθra us-žayānte tanu-kərəta.

2 aēva te bavāhi yaθa jāmāspō,
uta āfrīnəm kərənavāt̄ yaθa dañhēuš vīštāspāi,
səvištō bavāhi yaθa mazdå,
vərəθrajå yaθa θraētaonō,
amavå yaθa jāmāspō,
aš-varəcå yaθa kava usa,
pauru-jirō yaθa zošnarō,
zaēnañhuṇtəm bavāhi yaθa taxmō urupa.

3 x^varənañhuṇtəm bavāhi yaθa yō yimō xšaētō hvəθwō,
hazaŋra-yaoxštyō bavāhi yaθa ažōhiš dahākāi aγa-daēna,
uγrəm aoištəm bavāhi yaθa kərəsāspəm,
huðāñhəm vyāxnəm bavāhi yaθa urvāxšahe,
srīrəm kəhrpəm anāstravanəm bavāhi yaθa kava syāvaršānō.

4 pouru-gō bavāhi yaθa āθwyānōiš,
pouru-aspəm bavāhi yaθa pourušaspəm,
ašava bavāhi yaθa zaraθuštrō spitāmō,
rañhäm dūraē-pāranäm bavāhi yaθa yō vifrō navāzō,
urvaθō bavāhi yazatanäm yaθa zaranəm mašyānäm.

5 zayānte hacā vō dasa puθra,
θrāyō bavāhi yaθa aθaurunō,
θrāyō bavāhi yaθa raθaeštārahe,
θrāyō bavāhi yaθa vāstryehe fšuyaṇtō,
aeva te bavāhi yaθa dañhēuš vīštāspāi.
6 aurvat̄-aspəm bavāhi yaθa hvarə,
raocinavaṇtəm bavāhi yaθa māñhəm,

saocinavaṇṭəm bavāhi yaθa ātarəm,
 tižinavaṇṭəm bavāhi yaθa miθrəm,
 huraoðəm vərəθrajanəm bavāhi yaθa sraošəm ašīm.
 7 arš-łkaēšəm bavāhi yaθa rašnuš,
 dušmainyū-jayaṇtəm bavāhi yaθa vərəθraγnəm ahuraðātəm,
 pouru-xvāθrəm bavāhi yaθa rāmanō xvāstrahe,
 a-yaskəm a-mahrkəm bavāhi yaθa kava husrava,
 8 pasca āfrīnəm aipi-jasaiti vahištəm ahūm ašaonəm
 raocajhəm vīspō-xvāθrəm,
 aθa jamyāt yaθa āfrīnāmi.
 humatanəm hūxtanəm hvarštanəm yadacā anyadacā
 vərəzyamnanəmca vāvərəzananəmca mahī aibī-jarətārō
 naēnaēstārō yaθanā vohunəm mahī.
 yaθā ahū vairyō....
 ašəm vohū....
 ahmāi raēšca ... raocajhəm vīspō-xvāθrəm.
 aθa jamyāt yaθa āfrīnāmi.
 ašəm vohū....

BD30V16Z

tišrəm xšafnəm

DKB131

nōīt zī dī yā pasu vīra xšaθrā ahmāt ašāunō mazištya dī šātōiš
 mānayāt dasištəm uzyāθramayā.

Frahang-i Oim

1 aēða,
 kaya həṇti masyaŋhō aēða.

yō aparaya paiti mastraynya.
kaya kasyanhō.

yō paouraya paiti mastraynya.
narš vaγdanəm.
astəm aēvō mastravanəm.
vīspaca yō mastraynəm aməsta.
hvarō-ciθanəm aēteē anyē cikayatō.

2 vāxš-bərətibyō vārəθraynibyō.
uxdəm srīrəm pairištəm avastātəm dərətō-sraošəm.
uxdašna mašyō vaŋhå yaθa danjhrō uxdō-vacå.
paityastō-vacå.

3 xšayamana apaitirita.

4 tanvaēca haosravaŋhəm urunaēca darəyəm havaŋhəm.
5 bvať vispō aŋhuš astvå azarəšō amarša afiθō apayä darəyəm
yať yavē vīspāi.

6 aspō aγryōtəmō danhvē varəmanō ašta gavam azinəm arəcō.
7 yaθā āať utā nā vā nāiri vā vaēda haiθīm.
8 yaθa īm zā.

9 nitəmcit avaēšəm stārəm yaθa narš maðmyēhē vaγdanəm.
10 yaθa aštiš paityahmi aθa bunəm ā.
11 yaθrā avať hvarə uzāiti.

13 yaθra vō ahurō mazdå fradaθəm baxšat.

14 yē gəmcā ašəmcā dāt.

15 yō naērē pərəmnāi nōiť paiti daðāiti
gātumca varasca zarvānəmca
vispaca ahubya ratubya dāitya raθwya frāraiθya ašahē dātaiš
vahištahe.

16 yō naere aoxtā frā me cicī.

17 yā nara gātum baraite.

- 18 yehyā vərədā vanaema drucim.
- 19 yavaṭ isāi tavācā.
- 20 yā mēng pərəsā jimaитi.
- 21 yavata gaya javaiti.
- 22 yavata gayehe marata.
- 23 yava aete aŋhən zaraθuštra.
- 24 yoγəða fraeazaite.
- 25 yoиštō θwaxšitā hvoиštō paitišāθrā.
- 26 yūžəm yō yūšmākəm.
- 27 yuxta pourušaspō yujiti te yōi puθra θraetaonahe.
- 28 yuxta caθwarə-aspahe.
- 29 yātəm gaēθanäm.
- 30 yātəm astrehe.
- 31 yārə-drācō virō-mazajhō.
- 32 yaešənta patənta.
- 33 aēšəntəm āpəm.
- 34 yaetuš zaēmanō.
- 35 yaošcina surahe.
- 36 yoxštayō ava-barətəm θri-yaxštisca.
- 37 yayata dunma.
- 38 yaoždanahe dāra.
- 39 yedī te yaetatarə.
- 40 yazuš puθrō ahurō mazdå.
- 41 yasō-bərətābyō zaoθrābyō.
- 42 yaštā maṇtā [pouruyō].
- 43 yavahe sarəða.
- 44 yazāi āpəm frazdānaom.
- 45 yasnəmcə vahməmcə uzasca zavarasca āfrīnāmi.
- 46 yavaeca yavaētātaeca.

- 47 kō asti ṣkaēšō vivišdātō.
 48 vastrāt vaca kašā bāmanyā.
 49 karašō-rāzām vyāxanām.
 50 hapta karšuām.
 51 karšasciṭ frakārayōiš.
 52 zəmō karšvā.
 53 vīspəm māianuhe.
 54 uštatātəm ašibya.
 55 zurō-bərətā avarətā.
 56 zinda yātuməṇta.
 57 gāθwō-štacat̄.
 58 θwqm xratuš.
 59 haðaṇrō pam mazdāi uxδām.
 60 pəšōtanuš tanum pairyete.
 61 Өripiθwōdi asti ātarš ahurahe mazdā hama bipiθwō
 aiwigāme
 aθa narō ašavanō.
 62 paṇcadasa pasvō sraoni-masā.
 63 kavaciṭ aŋhā zəmō.
 64 cavaiti aetšaya.
 65 yaθa vā gāmān dvaca dašca aṇtarə θwqm.
 66 biš aetavaṭ daxšmaitiš yavaṭ yijaiastiš.
 taðā biš aētavaṭ hāθrəm yavaṭ tacarəm.
 67 raocanhām fragatōiṭ.
 68 dvadasaŋhāθrəm asti ayṛəm ayarə.
 69 aētəm nətəmən hāθrəm Өrivacahim.
 70 taṭ gāmahya Өri-gāməm.
 taṭ ṣkaēšahe taṭ vīkayehe.

tať arəθahe tať arəθavanō.

71 vayō zuštō.

Fragm. Darmesteter

1 ciθrəm buyāt ahmya nmāne

pitūm buyāt ahmya nmāne

θwām pitūm buyāt ahmya nmāne.

2 aēvō paṇṭā yō ašahe

vīspe anyaešām apaṇṭām

ajrahe mainyōuš nasištām daēnām daēvayasnanām parācītīm
mašyānām frākərəitīm.

3 nōiṭ cahmi zazva yō nōiṭ urune zazva

nōiṭ cahmi zazuša [yō nōiṭ urvāni jazuš]

naeciš aða zaraθuštra sūš yaθa [hīm] ādarə mašyāka.

4 mā āzārayōiš zaraθuštra mā pourušaspəm mā duγdōvqm
aeθrapaitiš.

5 caθrāyāim āθraiam.

6 anaomō manaqhe kya vīsāi kaia kva parō.

7 varšnahe θwām aŋhrō urušnōiš jāmāspānahe puθrahe puθrəm
apaitiyni amā yim davata ašíš apaθatō paitīm āpəm

dāmnsāvyqm nōiṭ hvāzātō nōiṭ zāniti nōiṭ amā arənā hvāiš ātēe
yaza ajiθō ānəm sāyaeti yvaetātaeca ašəm vōhu.

Fragm. Gray

ahurəm mazdām rāēvantəm x'arənaŋhvāntəm yazamaide.

aməšāspəṇtā huxšaθrā huðāŋhō yazamaide.

rašnūm razıštəm yazamaide.

arastātəmca frādaṭ-gaēθqm varədaṭ-gaēθqm yazamaide.

ərəzuxdəm vācim yaṭ frādaṭ-gaēθqm yazamaide.

arəstātəm frādaꝝ-gaēθəm yazamaide.

gaerī i uši-darənəm mazdaðātəm ašax^vāθrəm yazatəm
yazamaide.

íjānam vaŋhēš sūrā spəntā fravšyō yazamaide.

vīspehe ašavana yazata yazamaide.

ušəhənəm paiti-raθūm bərəzīm namānīmcə paiti-ratūm yeŋhe
hātəm.

Fragm. Westergaard

From edition Westergaard, Copenhagen 1852-54, pages 331-334. Abbreviated as W by Schuyler in his *Index verborum*, and FrW by Avestan Digital archive.

I.

1. vohū manajha hacimnō ašāca yā vahišta xšaθrāca yā vairyā
frā staotəm vacō yesnīm azarəmya vaca mruyå nərəbyasca
nāiribyasca ašaonōzaraθuštrahe (2) mrūiði vacō zaraθuštra
ahmākəm yasnāica vahmāica yaꝝ aməšanām spəntanām yaθa te
aŋhen yaštā āpō yaštā urvarā yaštā ašaonām fravašayō yaštā
mainyavaca yazata yaēca gaēiθya fraθwaršta vaŋhazdā
ašavanō.

II.

1. fravarāne ... frasastayaēca θraētaonahe āθwyānō ašaonō
fravašēe xšaoθra ... mraotī.

2. θraētaonəm āθwyānəm ašavanəm ašahe ratūm yaz.. gaðwa
kurō kurō tarəwani karapanō raθwyasnām buxtā mahe.

3. yaθā ahū vairyō... yasnəmca v. ao. z. ā. θraētaonahe
āθwyānō fravašē... ašəm vohū... ahmāi raēšca...

III. Vispa Humata.

1. vīspa humata vīspa hūxta vīspa hvaršta baođō-varšta, vīspa dušmata vīspa dužūxta vīspa dužvaršta nōiṭ baođō-varšta.
2. vīspa humata vīspa hūxta vīspa hvaršta vahištəm aŋhuīm ašaēta. vīspa dušmata vīspa dužūxta vīspa dužvaršta acištəm aŋhuīm ašaēta. vīspanam hūmatanam hūxtanam hvarštanam vahišta aŋhuīr āaṭ hacā ciθrəm.

IV.

1. airyamanəm te išim mazištəm mraomi spitama vīspanam ərəzvō sravanjham təm zī vīspanam sravanjham uparō-kairīm fradaθam yim airyamanəm išim təm arānti saoşyaṇtō...
2. ahe framraomi spitama xšayeni havanam dāmanam azəm yō ahurō mazdā naēciš xšayāṭ duždaēnō aŋrō mainyuš zaraθuštra x^vaēšu dāmōhu spitama (3) zəmargūzō bavāṭ aŋrō mainyuš zəmargūzō bavānti daēva us irista paiti arānti vīzvāhu paiti tanušu astvå gayō dārayeite...

V.

1. ahurahe mazdā raēvatō x^varənaŋhatō aməšanam spəntanam amahe hutāštahe huraoðahe vərəθraynahe ahuraðatahe vanainyāsca uparatātō paθayā x^vāstātayā zarənumaṇtō sūrahe saokaṇtaheca garōiš mazdaðatahe vīspaēšam yazatanam.
2. ahurəm mazdām raēvaṇtəm x^varənaŋhaṇtəm yazamaide aməšā spəntā huxšaθrā huðāŋhō yazamaide aməmca hutāštəm

huraoδəm yazamaide vərəθraynəmca ahuraδātəm yazamaide
vanaiṇtīmca uparatātəm yazamaide paθqm x^vāstātīm
yazamaide zarənumaṇtəm sūrəm mazdaδātəm yazamaide
saokəntəm gairīm mazdaδātəm yazamaide ēīspəmca
ašavanəm.

VI.

fravarāne mazdayasnō zaraθuštřiš vīdaēvō ahura-ťkaēšō (gāh ci
bēt) hāvanē ašaone ašahe raθve yasnāica vahmāica
xšnaoθrāica frasastayaēca sāvanjħēe vīsyāica ašaone ašahe
raθwe yasnāica vahmāica xšnaoθrāica frasastayaēca. raθwqm
ayaranāmca asnyanāmca māhyanāmca yāiryānāmca
saređanāmca yasnāica vahmāica xšnaoθrāica frasastayaēca.

(gāh ānje bayad, agar gāv yā gospand yak bayad.)

gēuš taşne gēuš urune tava gēuš huđāŋhō urune xšnaoθra y. v.
x. f.

yaθā ahū vairyō...

gēuš taşne gēuš urune yavākem gēuš huđāŋhō urune xšnaoθra
y. v. x. f. yaθā ahū vairyō... gēuš taşne gēuš urune yūšmākəm
gēuš huđāŋhō urune xšnaoθra y. v. x. f. yaθā ahū vairyō....

VII.

1. aiwyō vaŋuhibyō vīspanāmca apām mazdaδātanām bərəzatō
ahurahe nafədōrō apām apasca mazdaδātayā taəa ahurāhe
ahurahe xšnaoθra y. v. x. f. yaθā ahū vairyō...

2. frā te staomaide ahurāne ahurahe vanhūš yasnāscā vahmāscā hubərətīscā vanṭa-bərətīscā yazatanām θwā ašaonām ku xšnīša us bī barāmi raθwasca bərəzatō gāθāscā srāvayōiť....

VIII.

1. sarədahe mājhō ava-mīryāite mazdayasnō dim āfrivanaēibiš ava-janəm yō hē aoşanṭe moşucā tū duždā āsuyāca ava-mīryāešāeiti darājan ā havō nōiť zī ciš aŋhā drujō nyāsaite (2) dōiēsnaθən̄ti snaθahe aēiti hā druxš aşaojiştā aŋhat haēcā āθaiti zaraθuštra staxrahe mərətō zaya avaθa staxrō yať hā druxš aēiti mərəzvī 9 mazdauxtəm vacō sarədyō vāxš māθrō spən̄tō

Hadhokht Nask (the fate of the soul after death)

(1.)

1 pərəsať zaraθuštrō ahurəm mazdām, ahura mazda mainyū spəništa dātarə gaēθanām astvaitinām ašāum, kahmi te aēvahmi paiti vacō vīspanām vohunām vīspanām aşa-ciθranām fravākəm.

2 paiti-šē aoxta ahurō mazdā, aşəm stūtō zaraθuštra.

3 yō aşəm staoiti fraorət-fraxšni avi manō zarazdātōiť aŋhuyat̄ haca, hō mām staoiti yim ahurəm mazdām, hō āpəm staoiti, hō zām staoiti, hō gām staoiti, hō urvarām staoiti, hō vīspa vohū mazdađāta aşa-ciθra staoiti.

4 aēšō zī vāxš zaraθuštra ərəžuxdō framrvānō ā vacō ahunō vairyō fraoxtō amaheca vərəθraynaheca urunaca daēnaca spanvanti.

5 arəjaiti zī spitama zaraθuštra aēva aşō-stūtiš ōium vā aşaonō xšnaoθrəm satəm hafnanām hazanjrəm gōuš harəitinām baēvarə

anumayanam kañhåscit tanunam parō-asti jasōiθyå.

6 kā aēva ašō-stūtiš yā dasa anyaēšam ašō-stūtinam masanaca vanjhanaca srayanaca arəjaiti.

7 paiti-šē aoxta ahurō mazdå, hāu bā ašāum zaraθuštra yām bā nā frajuharəta haurvāt̄ya amərətāt̄ya ašəm staoiti, frastavanō humataca hūxtaca hvarštaca,

nižbarəmnō dušmataca dužūxtaca dužvarštaca.

8 kā aēva ašō-stūtiš yā satəm anyaēšam ašō-stūtinam masanaca vanjhanaca srayanaca arəjaiti.

9 paiti-šē aoxta ahurō mazdå, hāu bā ašāum zaraθuštra yām bā nā pasca frajuharəti haomahe hutahe ašəm staoiti, frastavanō humataca hūxtaca hvarštaca, nižbarəmnō dušmataca dužūxtaca dužvarštaca.

10 kā aēva ašō-stūtiš yā hazajrəm anyaēšam ašō-stūtinam masanaca vanjhanaca srayanaca arəjaiti.

11 paiti-šē aoxta ahurō mazdå, hāu bā ašāum zaraθuštra yām bā nā ḥafnāda ustryamnō avanjuhabdəmnō ašəm staoiti, frastavanō humataca hūxtaca hvarštaca,
nižbarəmnō dušmataca dužūxtaca dužvarštaca.

12 kā aēva ašō-stūtiš yā baēvarə anyaēšam ašō-stūtinam masanaca vanjhanaca srayanaca arəjaiti.

13 paiti-šē aoxta ahurō mazdå, hāu bā ašāum zaraθuštra yām bā nā ḥafnāda frayrisəmnō frabuḍyamnō ašəm staoiti, frastavanō humataca hūxtaca hvarštaca,
nižbarəmnō dušmataca dužūxtaca dužvarštaca.

14 kā aēva ašō-stūtiš yā vīspəm imat karşvarə yaṭ haniraθəm maṭ-fşum maṭ- raθəm paiti-vīrəm masanaca vanjhanaca srayanaca arəjaiti.

15 paiti-šē aoxta ahurō mazdå, hāu bā ašāum zaraθuštra yām bā

nā usteme urvaēse gayehe ašəm staoiti, frastavanō humataca hūxtaca hvarštaca, nižbarəmnō vīspa dušmataca dužūxtaca dužvarštaca.

16 kā aēva ašō-stüitiš yā vīspəm imat̄ yał aṇtarəca zām aṇtarəca asmanəm imamca zām avaca raočā vīspaca vohu mazdađata aşa-ciθra masanaca vañhanaca srayanaca arəjaiti.

17 paiti-šē aoxta ahurō mazdā, hāu bā ašāum zaraθuštra yał fraoirišaiti pairi dušmataēibyasca dužūxtaēibyasca dužvarstaēibyasca.

(2)

1 pərəsał zaraθuštrō ahurəm mazdəm, ahura mazda mainyū spəništa dātarə gaēθanəm astvaitinəm ašāum, yał ašava para-irīθyeiti dva aētəm xşapanəm havō urva vañhaiti.

2 āał mraoł ahurō mazdā, asne vaγdanāt̄ nišhiđaiti, uštavaitim gāθəm srāvayō uštatātəm nimraomnō, uštā ahmāi yahmāi uštā kahmāic̄t̄ vasə-xşayəs mazdā dāyāł ahurō.

upa aētəm xşapanəm avavał šātōiš urva išaiti yaθa vīspəm imat̄ yał juyō aŋhuš.

3 yām bityām kva aētəm xşapanəm havō urva vañhaiti.

4 āał mraoł ahurō mazdā, asne vaγdanāt̄ nišhiđaiti, uštavaitim gāθəm srāvayō uštatātəm nimraomnō, uštā ahmāi yahmāi uštā kahmāic̄t̄ vasə-xşayəs mazdā dāyāł ahurō.

upa aētəmc̄t̄ xşapanəm avavał šātōiš urva išaiti yaθa vīspəm imat̄ yał juyō aŋhuš.

5 yām Өrityām dva aētəmc̄t̄ xşapanəm havō urva vañhaiti.

6 āał mraoł ahurō mazdā, asne vaγdanāt̄ nišhiđaiti uštavaitim

gāθām srāvayō uštatātəm nimraomnō.

uštā ahmāi yahmāi uštā kahmāiciť vasā-xšayās mazdā dāyāt
ahurō.

upāca aētāmcīt xšapanəm avavat̄ šātōiš urva išaiti yaθa vīspəm
imāt̄ yať juyō arjuš.

7 Өrityå xšapō Өraošta vyusä sađayeiti yō narš ašaonō urva
urvarāhuca paiti baoiđišca vīdiđärəmnō sađayeiti. ādim vātō
upa-vāvō sađayeiti rapiθwitarat̄ haca naēmāt̄ rapiθwitarāeibyō
haca naēmaeibyō hubaoiđiš hubaoiđitarō anyaēibyō vātaeibyō.
āať təm vātəm nāñhaya uzgərəmbyō sađayeiti yō narš ašaonō
urva,

kudađ aēm vātō vāiti yim yava vātəm nāñhābya
hubaoiđitəməm jigaurvā.

9 aῆhā dim vātayå frērənta sađayeiti yā hva daēna, kainīnō
kēhrpa srīrayå xšōiθnyå auruša-bāzvō amayå huraođayå¹
huzarštayå bērəzaityå ərədva-fşnyå sraotanvō āzātayå
raēvasciθrayå pañca-dasayå raođaēšva kēhrpa avavatō srayå²
yaθa dāmən sraēstāiš.

10 āať hīm aoxta pərəsō yō narš ašaonō urva, cišca carāitiš ahi
yam iť yava carāitinäm kēhrpa sraēstäm dādarəsa.

11 āať he paiti-aoxta yā hva daēna, azəm bā te ahmi yum
humanō hvacō hušyaoθana hudaēna yā hva daēna haēpaiθe
tanvō, cišca əwäm cakana ava masanaca vanjhanaca srayanaca
hubaoiđitaca vərəθrajastaca paiti-dvaēšayaňtaca yaθa yať me
sađayehi.

12 tum mām cakana yum humanō hvacō hušyaoθana hudaēna
ava masanaca vanjhanaca srayanaca hubaoiđitaca
vərəθrajastaca paiti-dvaēšayaňtaca yaθa yať te sađayemi.

13 yaṭ tum ainim avaēnōiš saocayaca kērənavantəm
baosavasca varaxədrâsca varō-žintəm urvarō-strayasca
kērənavantəm, āaṭ tum nišhiđōiš gāθâsca srâvayō apasca
vaļuhīš yazəmnō āta-rəmca ahurahe mazdå narəmcə ašavanəm
kuxšnvənō asnāatca [jasəntəm dūrāatca].

14 āaṭ mām friθām haitīm friθōtarām srīram haitīm srīrōtarām
bərəxđām haitīm bərəxđōtarām frataire gātvō āŋhanām fratarō-
taire gātvō nišāđayōiš aēta humata aēta hūxta aēta hvaršta, āaṭ
mām narō paskāt yazənte ahurəm mazdam darəyō- yaštəmcə
həm-parštəmcə.

15 paoirīm gāma frabaraṭ yō narš ašaonō urva humate paiti
nidađāt, bitīm gāma frabaraṭ yō narš ašaonō urva hūxta paiti
nidađāt, xritīm gāma frabaraṭ yō narš ašaonō urva hvaršte paiti
nidađāt, tūirīm gāma frabaraṭ yō narš ašaonō urva anayraēšva
raocōhva paiti nidađāt.

16 ādim aoxta pərəsō pourvō ašava para-iriθyō, kaθa ašāum
para-iriθyō kaθa ašāum apa-jasō šitibyasca haca
gaomavaitibyasca vayaēibyasca haca māyavaitibyasca astvatat
haca aŋhaoṭ, manahīm avi ahūm iθyejanjuhatāt haca aŋhaoṭ
aiθyejanjhuntəm avi ahūm, kaθa te darəyəm ušta abavaṭ.

17 āaṭ mraoṭ ahurō mazdå, mā dim pərəsō yim pərəsahi yim
xrvəntəm āiθəvantəm urvištəm paṇṭam aiwitəm yaṭ astasca
baođaŋhasca vī-urvištīm.

18 harəθanām he bərətanām zarəmayehe raoγnahe, taṭ asti
yūnō humanajhō hvacajhō huš्यaoθnahe hudaēnahe harəθəm
pasca para-iristīm taṭ nāirikayāi frāyō-humatayāi frāyō-
hūxtayāi frāyō-hvarštayāi huš-sāstayāi ratuxšaθrayāi ašaonyāi
harəθəm pasca para-iristīm.

(3)

19 pərəsaṭ zaraθuštrō ahurəm mazdəm, ahura mazda mainyūō spəništa dātarə gaēθanām astvaitinām ašāum, yaṭ drvā avamairyeite dva aētām xšapanəm havō irva vaŋhaiti.

20 āaṭ mraoṭ ahurō mazdā, avaða bā ašāum zaraθuštra, asne kamərədāṭ handvaraiti, kimām gāθwyām vacō srāvayō, kām nəme zām ahura mazda kuθra nəme ayeni, upa aētām xšapanəm avavaṭ ašātōiš urva išaiti yaθa vīspəm imaṭ yaṭ juyō aŋhuš.

21 yām bityām dva aētām xšapanəm havō urva vaŋhaiti.

22 āaṭ mraoṭ ahurō mazdā, avaða bā ašāum zaraθuštra, asne kamərədāṭ handvaraiti, kimām gāθwyām vacō srāvayō, kām nəme zām ahura mazda kuθra nəme ayeni, upa aētām xšapanəm avavaṭ ašātōiš urva išaiti yaθa vīspəm imaṭ yaṭ juyō aŋhuš.

23 yām xrityām kva aētām xšapanəm havō urva vaŋhaiti.

24 āaṭ mraoṭ ahurō mazdā, avaða bā ašāum zaraθuštra, asne kamərədāṭ handvaraiti, kimām gāθwyām vacō srāvayō, kām nəme zām ahura mazda kuθra nəme ayeni, upa aētām xšapanəm avavaṭ ašātōiš urva išaiti yaθa vīspəm imaṭ yaṭ juyō aŋhuš.

25 ərityā xšapō əraošta ašāum zaraθuštra vyusə saðayeiti yō narš drvatō urva aēiθāhuca paiti gaṇtīšca vīdiðārəmnō saðayeiti. ādim vātō upa-vāvō saðayeiti apāxtaraṭ haca naēmāṭ apāxtaraēibyō haca naēmaēibyō dužgaiṇtiš dužgaiṇtitarō anyaēibyō vātaēibyō. āaṭ təm vātəm nāŋhaya uzgərəmbyō saðayeiti yō narš

drvatō urva, kudad aēm vatō vāiti yim yava vātəm nājhābya dužgaintitəməm jigaurva.

27 [aŋhå dim vātayå fradvarənta sađayeiti yā hva daēna, jahikayå kəhrpa zōizdayå anaiwi-vastrayå frašnaoš apazađanhō akaranəm driwyå avavatō zōizdyå yaθa dāmən zōiždištaiš.

28 āaṭ hīm davata pərəsō yō narš drvatō urva, cišca jahika ahi yam iṭ yava jahikanäm kəhrpa zōiždištäm dādarəsa.

29 āaṭ he paiti-davata yā hva daēna, azəm bā te ahmi yum dušmanō dužvacō duš-šyaoθana duždaēna yā hva daēna liaepaiθe tanvō, naēcišca θwäm cakana ava zōiždāca axtica pavitica dužgaiṇtica əvərəθrajastaca apaiti-dvaēšayanṭaca yaθa yaṭ me sađayehi.

30 tum mäm cakaṇθa yum dušmanō dužvacō duš-šyaoθana duždaēna ava zōiždāca axtica pavitica dužgaiṇtica əvərəθrajastaca apaiti-dvaēšayanṭaca yaθa yaṭ te sađayemi.

31 yaṭ tum ainim avaēnōiš gāθāscə srāvayaṇtəm apasca vaļuhīš yazəmnəm ātarəmca ahurahe mazdā narəmca ašavanəm kuxšnvənəm asnāaṭca jasəṇtəm dūrāaṭca, āaṭ tum nišhiđōiš saocayaca kərənvō baosavasca varaxəđrāscə varō-žinō urvarō- strayasca kərənvō.

32 āaṭ mäm afriθäm haitīm afriθōtaräm zōiždäm haitīm zōiždōtaräm gərəzdäm haitīm gərəzdōtaräm apatairē gātvō ḣəjhanäm apatarō-tairē gātvō həṇdvā-rayōiš, aēta dušmata aēta dužūxta aēta dužvaršta, āaṭ mäm dravaṇtō paskāṭ yazəṇte aŋrəm manyūm darəγō-yaštəmca duš-häm-parštəmca.

33 paoirīm gāma frabaraṭ yō narš drvatō urva dušmate paiti

nidaðāt, bitīm gāma frabaraṭ yō narš drvatō urva dužūxte paiti nidaðāt, Өritīm gāma frabaraṭ yō narš drvatō urva dužvaršte paiti nidaðāt.]

tūrīm gāma frabaraṭ yō narš drvatō urva anayraēšva təmōhva paiti nidaðāt.

34 ādim aoxta pərəsō pourvō drvō ava-mərətō, kaθadrvō ava-mairyajuha kaθa drujo apa-jasō ūitibyasca haca gaomavaitibyasca vayaēibyasca haca māyavaitibyasca astvataṭ haca aŋhaoṭ manahīm avi ahūm iθyejanjuhataṭ haca aŋhaoṭ aiθyejanjhuntəm avi ahūm, kaθa te darəyəm āvōya aŋhat.

35 adavata aŋrō mainyuš, mā dim pərəsō yim pərəsahi yim xrvanṭəm aiθivāntəm urvištəm paṇṭam aiwitəm yaṭ astasca baoðaŋhasca vīurvištīm.

36 ḥarəθanām he bərətanām višayāaṭca viša-gaitayāaṭca, taṭ asti yūnō dušmanajhō dužvacanjhō duš-šyaoθnahe duždaēnahe ḥarəθəm pasca ava-mərətīm, taṭ jahikayāi frāyō-dušmatayāi frāyō-dužūxtayāi frāyō-dužvarštayāi duš-həm-sāstayāi aratuxšaθrayāi drvaityāi ḥarəθəm pasca ava-mərətīm.

37 ahe narš ašaonō fravašīm yazamaide yō asmō-lihanvå nām, aðāt anyaēšqm ašaonām fraxṣti yazāi fravarəta.

38 uši ahurahe mazdā darəθrāi məθrahe spəṇtahe, xratūm ahurahe mazdā yazamaide marəθrāi məθrahe spəṇtahe, hizvām ahurahe mazdā yazamaide fravākāi məθrahe spəṇtahe, aom gairīm yazamaide yim uši-dəm uši-daranəm paiti asni paiti xšafane yasō-bərətābyō zaoθrābyō.

39 dātarə ... kva iθra zī həṇti iristanam urvəṇō yā ašāunam fravašayō.

40 paiti-šē aoxta ahurō mazdā, spəṇṭat̄ haca manyaoṭ zaraθuštra, aēšām ciθrəm vahištāat̄ca mananhaṭ.

41 āaṭ ušaṇham para frērətōiṭ aēšō mərəγō yō parōdarš aēšō mərəγō yō varətō-dəsuš, āθrō vācəm susrnaoiti.

42 āaṭ maire fradūraiti bušyasta darəγō-gava apāxtaraṭ haca naēmāṭ apāxtaraēibyō haca naēmaēibyō uiti aojəmna uiti daomna, hafasata mašyākāṇhō hafasata mərəzu-jvāṇhō hafasata mərəzu-jītayō.

Nirangistan (ritual specifications)

(1)

1 knmō nmānahē aθaurunəm pārayaṭ.
yō ašai bərəjyastəmō,
hvōištō vā yōištō,
yim vā ainim hapō-gaēθa,
hazaōšyā paānha cayan.

2 para paōiryō āiti,
para bityō āiti para θrityō aiti.

aēta parāyaiti yaθa gaēθābyō hēṇnti,
aēšō gaēθanam irišaṇtanam raēšē [cikayat].

3 katārəm āθravana aθaurunəm vā pārayaṭ gaēθanam vā
aspərənō
avaṭ.

gaēθanam aspərənō avōiṭ.

4 cvaṭ nā aθrava aθaurunəm haca gāθābiš parayāṭ.
yaṭ hiš θriš yā hmā aiwiš iti.

cvaṭ aiwištəm parayaṭ.

θrixšaparəm haθrākəm xšvaš xšafnō āca paraca.

yō baōyō aētahmāṭ parāti

nōiṭ pascaita anaiwištīm āstryaṇti.

5 katārō aθaurunəm parayāṭ nāirika vā nmānō-paitiš vā.

yezica vā gaēθā vīmā katār parayāṭ.

nmānō-paitiš gaēθā nāirika parayāṭ.

nāirikāi gaēθā viš nmānō-paitiš parayāṭ.

6 yō anyahē nāirika anahaxtō aθaurunəm paraṇhāti,

kaṭ hē vā ašəm vərəzyāṭ yā nāirika nmānō-paiti vərəzyaṇti.

vərəzyāṭ usaiti nōiṭ anusaiti.

ahaxtō paraṇhacāiti,

vərəzyāṭ usaitica anusaitytica.

frōiṭ varə paraṇhacaite akā hazaruha anākāse tāyuš.

7 yō anyehe apərənayūkahe anaxtō aθaurunəm paraṇhacāi,

pasca hāra tanūm parayeiti.

yaṭ aēša yōi apərənayūkō sraoši vā anutacaite,

aōxtō vā he aōxte θwāṭ pairi ajuha,

pasca haθra ā fra-sruiti še paiti tanūm parayeite.

8 ahmi nmāne aŋhe vīse aŋi zaṇtvō aŋhe daŋhvō cvaṭ biš ayā
vītayā aŋhən.

yugayastiš hacā nmāṭ aθa daŋhōiṭ visat hāθrəm zaṇtaōṭ ā
daŋhaōṭ,

yaθa dāityā spasanya,

yaθa para vayeō nmānəmca vīsəmca zaṇtəušca daŋhəušca.

9 āaṭ yaṭ hē aoxte aēša yejhe apərənayūkō,

hacaṛuha me hana apərənayūka,

yaθa vaši aθa haxšaēte,

vana pascaiti uzdaŋjuhuciṭ paθa haxtōiṭ,

cvaṭ anabdoištəm ayanəm paraŋhacaite.
yā frayarəna vā uzayeirine vā avən aiwyāstiš aŋhat̄.
yō aētahmāt paraŋhacāiti,
nabānazdištəm he para pascaiti raěšaca aðwadāityasca āstrāiṇti.

(2)

10 āaṭ hvatəm aba aēθrapaitim
yejhe nisritəm frāra
āhi anastritim
yezi āaṭ he nōiṭ aiysritim frāra nōiṭ ainisritim āstryeṇti.
yaθra apərəyūkō
nōiṭ he anisriš,
aθa aiwayajhəm [yaθra ratuš θwayajhəm] yaθra apərənāyūkō.
āhe aiθisritim staryeiti.
aða yaṭ vā yaθra θwayajhəm vā θwayajhəm vā.
10b daēvayasnahe vā tanu-pərəθahe vā apərənāyūka
paršajhacaite nisritaṭ aētahe astryeiti nōiṭ asriti.
11 cvaṭ nā aiθra-paitim upaōisāṭ yārə drāgō.
θrizarəmaēm xratūm ašavanəm aiwyāŋhat̄.
yezi aṇtarāṭ naēmāt aētahe drəngayeiti para paityāiti
vīraoḍayeiti,
hāθrō nvc ainəm aēθrapaitim upoisiṭ aēvaθa tūrīm upoisoit̄,
yezi avaṭ vaēθaṭ vaēnaθa aṇtarāṭ naēmāt haθrahe drəŋjayāaṭca
naēma pascaiti vīrōiði.
12 kəm aēmaṭ aēθrapaitim upayaṭ apnōtəm dahməm.
yeſe taṭ apayeiti pāraṇtarəm isoiṭ.
yavaṭ aētahmya zru staōtanəm yesnyanəm dādrāgōiš,
yaθa taṭ aērimari nəmō hyāṭ aθa taṭ aērimnō āstārayeiti,
aētavat̄ca aēšasciṭ āstārayeitē.
13 yō hē apərəmnāi nōiṭ vīsāiti frāmrūiti,
kō hē paōurunəm aēθrapaitinəm aēfraōxte āstryeiti.
nabānazdištō.

āaṭ havatqm nana yahmi parəiti,
 [vīspaēšu parənti] vīspaēšu afrōti āstryeiti.
 14 yō asruṭ-gaōšō vā afravaōcō vā nōiṭ ōim cinəm vācim
 aiwyāiš,
 nōiṭ pascaiti anaivišti āstryeiti.
 yezi āaṭ ōyum pe vācim aiwyāiš anaiwišti āstryeiti.
 15 yō avaḍa nōiṭ aiwyāsti ašaone araduša hāvayaṇhəm axtəm,
 darətō vā ananjrō tāya vā,
 ynā vā aodra vā taršnā vā aurvaš ajra vā aodra vā taršna,
 ajuha vāca tanrō-piθwā ahmāṭ paiti aðwā,
 nōiṭ aēavišti ās tryeiti.
 vāθmaini ašayā hafna vā anaivišti āstryeiti.
 16 kaṭ vā daēvayasnāṭ vā tanu-pərəθāṭ aēθrapatōṭ pairi
 aiwyāṇhaṭ.
 frasrāvayō ava dāθra yəm dim vaēnāṭ əvisaēušva vaṇḍānəm.
 nōiṭ āva yā vistaēšva.
 nōiṭ he ašaone šyaoθananam vərəzyōiṭ.
 17 nā daēvayasnāi vā tanupərəθāi vā aēθrayāi cašāiti.
 dahmō niuruzdō aðāityō-draonō,
 dāityehe draonanjō upa gnāṇha,
 pairi-gərəftayāṭ paiti zmanyå,
 nōiṭ api-gərəftayāṭ paiti.
 cvaiti še aēša zimana aṇhāṭ.
 yaθa gāuš fravaiti.
 vəhrkāi hizvəm daðāiti yō azrazdāi meθrəm cašte.
 18 kaṭ vā daēvayasnāi vā tanupərəθāi vā gēuš aðāitya āstryeiti.
 nōiṭ āstryeiti,
 anyō ahmāṭ yō he gavā varəš daiðiṭ aētahmāi.

[1a]

(1)

- 19 dahmō dahmāi aoxte,
frā ma nərə gārayōiš yaṭ ratuš fritōiš āsāt.
vīsaiti dəm fraγrārayō nōiṭ fraγrāγrāyeiti,
aēšō ratufriš yō caγāra.
- 20 cvaiti narəm axtō zaota ratufriš
ahunəm vairīm frasraōšyehe.
vīspaēibyō aēibyō yōi hē maδəmyā vaca [vaca]
frasrāvayamnahe vā upa surunvaṇti yaṭ vā yasnəm yazəmnahe
- 21 surunaōiti zaoda upa sraotaranəm,
nōiṭ upa sraotarō zaotarō,
zaora ratufrəš,
aētavō upa sraotarō yavaṭ framərəntəm.
nōiṭ zaota upa sraotaranəm,
upa sraotarō ratufryō,
aētavatō zaota yavaṭ framaraite.
- 22 sraoθrana gāθanəm ratufrəš,
paiti-astica yasnəs-he aða frašōšō-məθrahe,
ahe zī nā sravaŋhəm aframarənti āstryeite,
yaθa gāθanəmcit.
- gāθå srāvayō yasnəm yazəntəm paitištaiti,
vīspanəm gāθanəm ratufrəš.
- yasnəm yazaīti gāθanəm srāvamnəm paitištī,
yasnahe aēvahe ratufriš aratufriš gāθanəm.
- 23 yā gāθå afsmainya rayatō va ratufriš.
vacastaštivəṭ srāyamnō aētavatō ktarāciṭ ratufrəš yavaṭ
framərənti.

24 yā yasnəm yazəbənti afsmainyān vā vacastaštvat vā va ratufrya.

häm sruṭ vācayādi yeziətva aratufrya.

kaṭ häm-sruṭ vacimca.

yat hakaṭ ārmuto afsmainyvənca vacasta.

avacyō surunvaiṇti nōiṭ ainyō,

aēšō ratufriš yō nōiṭ aiwisiṇnāiti.

25 yō gāθanām anu-maiti vā anu-mainaiti,

ainyehe vā srāvayaṇtō paitiṣṭanti,

anyō vā he dahmō srutō-gāθā daðāiti aratufriš,

asrutā daðāiti.

26 yō gāθā srāvayeiti apō vā paitiš x'aine,

raoðaŋhō vā kərəsəm vā saðotanām,

gāθanām vā vayaṇtanām,

yezi hvaēibyō ušibyō aiwisiṇnaiti ratufriš.

yezi āaṭ nōiṭ hvaēibya ušibya aiwisiṇnaiti rapayāṭ,

yezi apōiṭ āaṭ nōiṭ āpōi ḫi,

aētaða mamðya vacō framarəmnō ratufriš.

27 cvaṭ nā nətəma vaca gāθā srāvayō ratufrəš.

yezi he nazdištō dahmō vī surunvaiti yavaṭ vā aēm aēm
havaēibya ušibya.

(2)

28 gaṇtumō yavanām ratufrəš.

(3)

29 yōi aētē maiðyanām parō x'arətōiṭpāθā nōiṭ srāvayeiti,
paoiθya vatiṣṭaa aēšām ſyaoθanəmca aciθōirištəm.

30 taṭ x'arənō bāða asti,

dahmō hurqm x^varaiti mađō aspyā payanjhō,
dāityā draonå x^varō mađō x^varaiti,
nōiṭ gāθanäm asruiti āstryeiti.
frađā-draonō x^varō mađaite,
nā gāθanäm asruiti.

(4)

31 yō biš hastarəm srāvayeiti ratufryō.

θriš hastrəm srāvayənti.

cvaṭ nitəməm hastrəm aŋhaṭ ratufryē.

θriš.

32 yō gāθå pairi uxšayeiti srāvayaṇti

yezi arastrəm pairi āđa

vā vacaṭ apayaṇta aratufrya

pasca vā parō vā pairi āđa [a]ratufryō.

33 kaθa zaoθa gāθå frasrāvayāiti.

naēmō vacastaṣti mađimya vaca zaraθuštri mana,

yezica aētēe vacō apayaеiti yōi həṇti gāθāhvā bišāmrūta

θrišāmūtaca caθrušāmrūtaca,

daēvanäm kərəta,

aētaēšäm vacäm aratufryō.

34 kaya paṇti vaca bišāmrūta.

ahyā yāsā,

humatanäm,

ašahyā āaṭ,

yaθā tū ī,

humāim θwā īžəm,

θwōi staotarascā,

uštā ahmāi,

spəṇṭā mainyū,
vohū xšaθrəm vairīm,
vahištā īštiš.

35 kaya θrišāmrūta.

ašəm vohū,
yē səvištō,
huxšaθrōtəmāi,
dužvarənāiš.

36 kaya caθrušāmrūta.

yaθā ahū vairyō,
māzdā aṭ mōi vahištā,
ā airyēmā.

37 kaŋhām nā gāθanām srutanām aratufriš.

yā yaēzō vā fra va šāimnō srāyeiti,
aētaešām vacām aratufriš.

aðaēca uiti yaθa kaθaca dahmō staota yesnya haurva daðāiti,
paurvāt vā naēmāt aparāt vā,
myō vā taca vā hištanəmnō vā åjhānō vā daθānō vā barəmnō
vā vazəmnō vā aiwyāstō aθā ratufriš.

(5)

38 dahmō zaota tanupərəθa upasraotarō,
yezi diš tanupərəθō vaēða,
aēvato ratufriš yavaṭ framaraiti.

yezi āaṭ diš nōiṭ tanupərəθō vaēða,
vīspanām gāθanām ratufriš.

39 tanupərəθa zaota dahma upasraotārō,
yezi dim tanupərəθəm vīvarə,
aētavatō ratufriš yavaṭ framərənti.

yezi āaṭ dim nōiṭ tanupərəθəm vīvarə,
vīspanām gāθanām ratufriš.
dahmō zaota dahmō upasraōtārō vīspe ratufryō.
tanupərəθu zaota tanupərəθō upasraotārō vīspe aratufryō.
40 kayāciṭ nā dahmanām zaoθrāda ratufriš,
nāirikāsciṭ apərənāyūkaheca,
yezi vaēθa hāθanām əwarəsēsca frataurunāsca,
aṇtarə hātišu yasnəm frāiziš.

[2]

(1)

41 yō gāθå asrāvayō əstā vā tarōmaiti vā tanūm pərəyeiti.
kō əstā kā tarōmaiti.
yā hacā daēnayāṭ māzdayasnōiṭ apastūtiš.
42 yō gāθå asrāvayō yārə drājō apa tanūm pairyeiti.
yezi əṇhām ḥyām pevācim framaraiti,
pairi ū hō parətō-tanunām stāṇhaiti,
yahmaṭ haca təm ava raoḍəṇti.
yō gāθanām ḥyəm vācim apayāiti aēvām vā vacastaštīm,
θri vā azāiti ayarə drājō vā vāstryāṭ,
aθa bityå aθa ərityå,
aθā vīspəm a ahmāṭ yaṭ hē hanjasanta yaθa caθrušəm yå gāθå
asrāvayō hyaṭ araduša hē ūyaoθanəm.
θrišūm tarō x'araya naēməm tarō bāzugataya vīspəm tarō yārə
drāge hē him yātəm astryeiti.
yaṭciṭ pascaiti aēvām ratufritīm ava raoḍayeiti tanūm pairyeiti.
43 yō gāθanām aēvām ratufritīm ava raoḍayeiti θri vā əzaiti
ayarə drājō vā vāstryāṭ,

aθa vīspōm ā ahmāt yaṭ hē hanj̄asaiti yaθa θrišūm yā gaēθā
asrāvayō ... tanūm pairyeiti.

44 yō gāθā asrāvayō naēmōm yārə drājō,
taṭ paiti aēnōm dahmōm gāθanām sraoθrā pairištayeiti,
yaðōiṭ naēm yā gaēθā asrāvayō hyaṭ aθa u āstryeiti,
paourum vā naēmōm yā aparəm vā pairyaštayeiti pišotanuš.
45 yō gāθā asrāvayō naēmōm yā
taṭ paiti aēnōm dahmōm jaiṇti
arduš vā aγryō [staorōm] vā bistaorōm yā yaṭ mazajhōm vā
x̄arōm x̄arōiṭ hē aŋhaṭ ciθayaēca upa-bərətayaēca.

(2)

46 kahmāt haca ušahinanām gāθanām ratufriš frajasaiti.
haca maiðyāyāi xšapaṭ hu-vaxšāi pairi-sacaiti,
aθa aiwigāmi.
āaṭ hama yezi para hu-vaxšāt ahunavaṭca gāθanām srāvayeiti,
yasnōmca haptanjhāitīm uštavaitīm hāitīmca,
anāstərətō pascaiti avā yā anyā srāvayōiṭ āmaēiðyāt fra-yārat.

47 kahmāt havanōm gāθanām ratufriš frajasaiti.
haca hū-vaxšāt maiðyāi frayarāi pairi-sacaiti,
hamaθa iθa,
āaṭ aiwi-gāmi maiðyāi uzayarāi yaṭ vā yaθa uzarōm yaṭ yaθa
xšaparōm.

48 hahmāt aheca apām vanjhīnām frātiš fracasaiti.
haca hū-vaxšāt ā hu-frāšmō-dāitōiṭ pairi-sacaiti,
taṭ hama taṭ aiwegāma.
yō āpe zaoθrām frabaraite,

pasca hū-frāšmō-dāim para hū-vaxšāṭ,
nōīṭ vaṇhō aṇāṭ ūyaoθanām vərəzyeiti,
yaθa yaṭ hīm ažōiš višāpahe vastrəm paityāpta karšōiṭ.

49 kahmāṭ haca rapiθwanām gāθanām ratufriš frajasaiti,
haca rapiθwayāṭ maiδyāi uzayarāi pairi-sacaiti.

50 kahmāṭ haca uzayairanām gāθanām ratufriš frajaiti.
haca maiδyāi uzaryarāṭ hu-frāšmō-dāitēe pairi-sacaiti,
hama iθa.

āaṭ aiwigāmi yezi para hū-frāšmō-dātōiṭ ahunāsca vairyā
frasrāvayeiti,
apasca frāite,
spəṇṭā mainyūmca vacastaštəm xšvaš vahištəm srāvayti,
anastərətō pascaiti avā yā anyā srāvayōiṭ ā maiδyāṭ xšapat.

51 kahmāṭ aiwisiṛūθrəmananām gāθanām ratufriš fracasaiti.
haca hū-vaxāṭ frāšmō-dāitēe maiδyāi xšape pairi-sacaiti,
taṭ hama taṭ aiwi-gāmi.

52 yōi dāitya yaona x^varənta,
gavastraca varəšnā vərəzaṇtō xratūmca ašavanəm aiwišantō,
adāityō-draonajhasca hənta,
dāitīm gēuš draonō upa isəmnō ava apaṇha-bdəṇti,
framərəntəm aēšam,
nōīṭ aētaēšam ratufriš ratufratīm θwərəšāiti,
yaδōiṭ aēte framərənti yaδōiṭ ratufryō.

53 āat aētaya fracarənti kərəsəscə gaðōitīšca,
daēvīšca haṇḍaramana upa mraodēsca vīspō-xšapō,
dāityō-draonajhasca haṇtō,
fraðāitīm dāitīm gēuš draonō upōisəmnō aða avanjhabdəmnō,
aframərəntəm aēšəm,
aētaēšəm ratufriš ratufritīm θwirəsaitī.

54 kāhya āgava ratufriš.

yā avanjha avå yā nāiryå yā puθrahe apərənāyōiš.
yā tanu-pərəθahe aparaoθəmnahe aγaurvaya ratufrəš.
yā haca daēvayasnaēibyō ava urvaitya apa bara aya ratufriš,
taða yaṭ paiti barənti yā arəduṣṭ apaititaṭ ācāγaurva,
yāhu varajhana,
yā adāiti fravaityanəm frapa
yā nōiṭ vīstəm drvatō
yaṭ paiti barənti
nōiṭ apaita nōiṭ paiti kaya ratufrəš.

55 ratufriš apaityānō kāhya
ratufriš havā yā nmānahe paiti ricyeihe yezi viš hvāvōiš dazde
ratufriš x'arəθa yezi aratufriš.

56 nōiṭ pasušca bazda nōiṭ irišta anazdyä ratufriš.
abaṇṭa airišta anadya pairištajhara ratufriš.
57 ratufriš pasuyəbīš x'āstāišca ax'āstāišca zāyēšca azāyešca.
ratufriš patuš x'astaiš nōiṭ [anastaišca azyaiš nōiṭ] anazyaiš.
ratufriš snākēnišca vīzušca x'āstāišca nōiṭ ana-x'āstaiš azyaiš
nōiṭ anazyaiš.

58 ratufriš carəmanəmca pasu-vastranəmca,
upa raēšatnāiš fraōiritarat naēmāṭ,
marātanəm nōiṭ amarātanəm azayanəm nōiṭ anazayanəm.
59 ratufriš nārikayå kəhrpa nōiṭ payaṇhō,

nōiṭ sunō kəhrpa payanhō,
ratufriš vahrkayå kəhrpayå payanhaca hađō vīspanämca
daēvayasnanäm [tanu-]pərəθanäm dūm haθra baođō
fraurvaēšyō.

60 yō aēvō hađō-gaēθanäm yō barəsmaca frastərənti gēušca
paiti-bairaiti,
ađāṭ ainye aṇṭaraṭ naēmāṭ hāθrahe vacasca framavaiṇti
gavastryāca varəšnå vərəzəṇti,
vīspaēšämca aiwi-surunvaiti vīspe ratufryō.

yezi āaṭ nōiṭ aiwi-srunvanti aēšō [ratufrišō] ratufrišō yō
barəsma frastərəṇta gēušca paiti-baraiti.

61 kahmāṭ haca mazdayasnanäm myazde raeθwaiti.
yā xšudru yaṭ vā yazaṇti yaṭ vā hām-raēθwəṇti,
yaṭ vā frā uiθetätō pərəsəṇti,
yaṭ vā aēšäm anyō aētahmāi dāiti dađāiti.

62 kahmāṭ haca myazdavanäm myazde raθwaiti.
yā pāpiθwa vasō acištē,
yaṭ pairi barəsman hanjasaṇte āaṭ ratufritē.
yaṭ yazaṇti yaṭ vā hām raēθwayeṇti.
yaṭ vā aēšäm anyō aētahmāi dāiti dađāiti.

63 yasca mē aētaēšäm mazdayasnanäm myazdavanäm
aētanjhām yaṭ
myazdanäm anahaxtō para-baraiti,
nōiṭ tāyuš nōiṭ hazajha bavat,
aiwicicišmnāi ākaciθamanäm stayāṭ.
ainyō kasciṭ anjhōuš astvatō para-baraiti ākå hazajha anakåse
tāyuš.
64 yā nara hāmō-x^varəθa hamō-gaodana hamäm aēte
xšāurunəm

zaoθrām barātō hamām pāipiθwām.
 paitinām hāmō-x^varəθa paitica gaodana,
 paitinām aēte xšadrēm zaoθrām barātō hamām pāipiθwām.
 paitinām x^varəθa hāmō-gaodana,
 hamām aēte xšaudrēm zaoθrām barātō paitinām pāipiθwām.
 paitinām x^varəθa paitinām [x^varəθa hāmō] gaodana,
 paitinām aēte xšudrām zaoθrām barātō paitinām pāipiθwām.
 65 caiti nā aēvahē pasvō zaoθrāt barāt.
 cataŋrō.
 aθa dvā aθa θryām,
 catyrām aēvām kahyāiciṭ taða frayaŋhām.
 cvaṭ gaonahe avabarāt.
 yā dvaēibya ərəzubya haŋgərəfaṭ,
 dašənəm ā vā gaonavatō,
 barəšnšō vā paiti vaγdānahe.
 vīspaēšām aṇtarə paiti-narōiṭ.
 66 cvaṭ nā āpa frataṭ carətē xšāudrēm payaŋhām paiti-barāt.
 yaθa tāšta zaoθrō-barana.
 āaṭ tūrinām yaθa θriš x^varəθəma raēθwiš bacinō,
 āaṭ paitēuš yaθa caθwārō aštī masō ainaidkim nāzā.
 67 cvaṭ nā ate armaēštaya xšāudrinām payaŋhām paiti-barat.
 yaθa θriš x^varəma raēθwa bacinō.
 avi gərəftəm paitim gərəbyāt,
 fradarištaciṭ tūrinām fradarayōiṭ.
 nāvayayāi iθa ape,
 āaṭ nāvayāi,
 avaēzō aētaŋhå frabarəta dāstra masō paiti-barō,
 aipi caγaurvatām aspayanāmca payaŋhām gāvayanāmca
 maēšinināmca buzinanāmca.

avaēzō pasūm hām puxdəm manajhō nōīt payajhō usca āpe
şāuō gāvayāīš

x̄shaš vayžibīš aṇtarə barōīt

yaθa nōīt aēti nidāitica airišyā ūzī dim aētaēšam daonō-jaitīš
astāraiti.

68 avaθa frabərəta zaoθrā frabarōīt,

aθa hāvana haomān hunyāt,

yaθa havaṭ vaēθaṭ aθa me zaoθre yete raocahe nōīt aṇtarə
təmahe.

vīdāyāt zi yaθa hō ašīš aŋhat,

vīspanam ziī asrasciṇtəm parāca aēšayamananam daēva
raēzaēte upa nuxturušu tuθraēšu asrāvayamnāt paiti ahunāt
vairyāt,

aθā yō dim frahaṇciṇtarə ātarəmca barəsmaca,

anairyanam taṭ dalyunam vərəθrāi uzjasaiti.

69 yō paiti ape baraiti nōīt barəsmaine,

yezi barəsma aṇtarāt naēmāt aēšō draojehe yavō fraθyehē,

paiti barəsmacit paiti-barōīt,

yezi nōīt θrivā paiti āzāiti ayārə drājō vā vāstryāt.

yō paiti barəsmaine nōīt ape,

yezi āfeš aṇtarātnaēmāt θrigāmahe,

paiti apaēcīt barōīt,

yezi nōīt paiti-baraiti θri vā āzāiti ayārə drājō vā vāstryāt.

70 yaṭ barəsma aēšō drājō yavō fraθō kavacīt aētahe

paiti-barōīt.

yaṭ masyō aētahmāt barəsma,

yaθa aētahe frastərənāiti aθa aēta he paiti-barōīt.

yaṭ zaota ahurəm mazdəm yazāiti mađimāi barəsmān paiti-
barōīt,

amēšē spēṇtē yazāiti frātəmāi barəsmān paiti-barōit,
apō aṭ yazamaide haotəmāi barəsmān paiti-barōit,
ašāunāqmca urunasca fravašišca yazamaide ašnōtəmāi barəsmān
paiti-barōit.

vīspaēibyō yasnō-kərətaēibyō maðəmāi barəsme paiti-barōit.
daxšmaētim aētaṭ barəsma yaṭ paiti-āpəm frānayaṇtəma.

71 apa adāṭ frabərəta aētāibyō zaoθrābyō yāti
yāŋham nōiṭ aiwiyō vaŋhibyō frabaravat frā aētā zaoθrā barōit
zaota gēuš pāityāipōit paoiryō franjharōit mrūiti aēta zaota
imām vacō.

...fraša adāṭ ... arāṭ naēmāṭ yojuyastōiš pai ... asəṇti aēsmāscā
barəsca.

(5)

72 ciš zaotarš kairim aŋhat mazdōiš aiṇ.
gāsca frasrāvayāiti vacimca aŋhe astvāiti paiti adayāṭ,
aθā ratuš.

āaṭ hāvanānō [yat] haoməmca ahunavaṭ aŋhavanəmca
vaemanāṭ.

73 āaṭ ātravaxšahe yaṭ ātrəmca aiwa-vaxšayaṭ āθrasca tišrō
θraxtiš yaoždaθaṭ,
zaoθrasca vācim paiti adayāṭ,
aθā ratuš.

74 āaṭ frabərətarš yaṭ āθrasca aēvām θraxtim yaoždaθaṭ,
barəsmānca frakəm āθraēca yasnō-kərətaēibyō paiti-barāṭ.
75 āaṭ āsnatāra yaṭ haoməmca āsnayāṭ haoməmca paiti-harəzāṭ.
76 āaṭ raēθwiš-karahe yaṭ haoməmca gava raθwayāṭ
baxšayāaṭca.

77 āpəm ā-bərəs ā-barāt.
 sraošāvarəzō aiwyāxšayāt.
 78 zaotara dāityō-gātuš
 maðəmca nmānahe maðəmāt arāθraoṭ apa sritō.
 79 stuiuxtiš hāvanānō dāityō-gātuš
 dašinəm upa sraxtim fratarən barəsmən aparəm āθrō.
 haoyāt haē naēmāt āsnatārš.
 ātravaxšahe dāityō-gātuš
 dašanəm upa θraxtəm fratarəm āθrō.
 frabərətarš dāityō-gātuš
 haomyām upa sraxtim fratarən barəsmən.
 dašināt haē naēmāt raēθwiškarahe.
 anaiwi-ərətavō gātuš aēta ābərəta sraošāvarəzahe vīcarayatəm.
 80 yezica aēti ratavō anahaxti pairigayanti,
 zaota vīspe ratu θwāiš rašayaṇti aēvaða āsnāθraṭ hāvaynāne
 raēθwayeiti.
 81 yaṭ aēvō zaota frayazāiti mayazdahe aiṇ zaotarš gātava,
 aētaya myazde aiwi-vaiðayeiti raθwaēca myazdaēca raθwaēca,
 vīspayā sācaðca ašaonō stōiš yasnāica vahmāica xšnaoθrāica
 frasastayaēca.
 zaotarš gātava ahunəm vairīm frasrāvayōiṭ.
 ſyaoθanō-tāitya hāvanēibyō paiti-jañhōiṭ,
 hāvanānō gātūm.
 ātravaxšahe gātava ātrəm aiwi-vaxšayōiṭ.
 frabərətarš gātūm [yasnəm haptajhāitīm] frāyazaiti.
 82 yasca aētaēšəm raθwəm paoiryō paiti [ā] jasāt hāvanānəm
 aētəm āstayeiti,
 bitīm ātravaxšəm,
 θritīm frabərətārəm,

tūrīm dānazzvāzəm,
 puxdəm āsnatārəm,
 xštūm raēθwiškarəm,
 haptəθəm sraošāvarəzəm.

83 aðāt anyaēšäm raθwəm paiti ādayōiṭ
 aētaēšäm ratavō azdāi
 θrigāmi aṇtarə anaṇtarə aθa aṇtarə pataθa yaṭ aṇtarə vā āaṭ
 aṇtarə vā paiti vā θri vā āzāiti ayarə drājō vā vāstryāṭ
 zaoθranəm paitiṣta sti myazdōiš aiṇ.

84 avayō vanaṇti spitama zaraθuštra yō fraurvaērxte hava [he
 vanainiṇti].

āvoya druyaṇti spitama zaraθuštra yō fraurvaixti havahe urunō
 družaite

āvoya [dārəm] daðāiti spitama zaraθuštra yejhe dāθrahe dāiti
 cōiṭ hava urva vā rāza

dāθri zī paiti nivātiš vīspahe aŋhēuš astvatō humataēšuca
 hūxtaēšuca hvarəštaēšuca.

aēša zaoθranəm mazištaca vahištaca sraeštaca yā nairi ašaone
 dasti aiwica haiθa cišānāica paitica pārəsmanai xratūm
 ašavanəm.

ašəm vohū....

[3]

(1)

85 aiwyāsta mazdayasna gāθā srāvayaṭ nōiṭ anaiwyāsta.
 kva iθra aiwyāṇayāṇti.
 aðairi kašaēibya.

cvaṭ aiwyāṇhayāṇti.

yaṭ aēšām arədvaē gavastryā varištcā vərəzaṇṭam nōiṭ
avaṇṛāsayāṭ adairi harəθraeibyō.

86 nanətəma vastrahe aiwyāstō ratufriš.

yaθa āθravanō biš paiti biš maiδyōi-paitištānō.

87 kva tāciṭ aētahe aiwyāstō ratufriš.

yaṭ masyō aētahmāṭ vāstrəm,

aētavatō aētahe nistəma aiwyāstō ratufriš.

yō aiwyāṇhayeāite karətēsca aratufryō pasca aiwyāstəm
nitaošayeiti ratufryō.

88 yezi Өriš haθrāṇcō yātayaṇti ratufryō.

yezi āaṭ nōiṭ haθrāṇcō yātayaṇti aratufryō.

89 yō anu aēšām barəsma frastarəṇti yaθa ašava jāmāspō
frastarənaēta ratufriš.

90 cvaṭ nānitima barəsmana ratufriš.

Өriš urvara.

cyā vātiša aētayā urvarayā aŋhən.

tarō dənānō varəsō stavaṇjhō,

āaṭ upəma aēšō drājaṇha yavō fraθaṇha.

91 yō vaŋhənti kərətišca,

paiti vaŋhəscā xrə uru baourišca,

yezi aŋtarəm aspərənō vastrahe aiwyāṇhayāṇti ratufryō,
anaspərənō vastrahe aiwyāṇhayāṇti aratufryō.

92 yō vaŋhaiti varənāscā pairi-urusvaištiš,

aṭ kēscā frazušō saŋhasca uparasmanāi,

yezi azarəm aiwyāṇhyāṇti ratufryō,

aparəm aiwyāṇhyāṇti aratufryō.

anyamca sutəm vaŋhānahe narəm na aratufryō.

93 yō vastra vastrəm aiwyāṇti,

uzbarəṇti aratufryō,

uparāt naēmāt ava-barəṇti aθa aiwyāñhayāṇti ratufryō.

94 yezi uzgərəsnāvayō nivaṇti,

yezi aṇtarāt naēmāt

yā hama aiwyāñhaca aiwyāñhayāṇti,

yezi aṇtarə brəñjayāiti va ratufryō,

yezi ā nōiṭ aṇtarə dərəzyāiti va aratufryō.

95 yō aiwyāñhayāṇti rasca nmānāi nmānayasca,

yezi tarasca aiwyāñhana aipi-vərəcainiṭi ratufryō,

pasca vā pairi barəṇti aratufryō.

yō varjhaiṭi nađəsca sađayaṇtišca carəmənca huki,

mayanām tinām aiwyāstām irīrīš nōiṭ anaiwyāsti astarəṇti,

yezi āaṭ nōiṭ mayanām tanu aiwyāstām ririšiā anaiwyāsta strəṇti.

96 yō gāθā ratufriš paiti parayaṇti,

yezi aspkərəṇtō vastrahe aiwyāstəm dādarayō ā anaiwyāsti strəṇti,

yezi āaṭ nōiṭ aspərənō vastrahe aiwyāstrəm dādarayō nōiṭ anaiwyāstō.

(2)

97 yō barəsmən frastarəṇti haoməsca varədəsca θanvasca

aṇtarə

dāta.

yezi θriš hāθra kēibiš yayein̄ti ratufryō,

yezi āaṭ θriš nōiṭ θriš hāθrākəbiš yātayaṇti aratufryō.

98 yō urvarām barəsma frastarəṇti hamō-varəşəjim

paouru-fravāxšəm,

vī-barō fravāxšō ratufriš,

nōiṭ vī-barō.

paoiriš paoiri-fravāxšō frastarənti,
vī-narasca avi-barəsca ratuš.

99 yō barəsma anahmāt naēmāt hām srišāti hām vā
darəzayeiti.

vī-barō ratufriš,
nōit vī-barō,

aθa yaθa yō hām vaēšyā hām vaēscayeiti vanaēma hām srišaiti
varəsca ā-vī-barəsca ratufriš.

100 yō barəsma taošyeiti draoš vā paiti sōinma,
unām vā kaṭciṭ vā paiti sidaranām,
yezi tišrō dinānō haθrāciš niš-hiš caṇtifratufriš.
yō urvarayå ava vaeceṇti,

yezi tišrō tarō dēnanō haθra ciš barənti fratufriš,
yezi āaṭ nōit tišrō tarō dēnanō haθra ciš barənti aratufriš.

101 yō zēmo tišrō karəšå frakārayeiti,
ava iθa barənti yavahe vā gavanahe vā,
yezi tišrō dtarō dēnanō haθraciš aṇṭara spənti ratufriš,
yezi āaṭ nōit tišrō tarō dēnanō haṇḍarəžānti aratufriš.
yō anyehe as-hya barəsma fraštarənti,
yezi paiti šå urvarå upa daδāiti ratufriš,
parō upa dātā frastarənti aratufriš.

102 haptā hənti hāvana ratavō barəsma stərənaēiti,
paoirya yejhe mē aṣāṭ hacā,
bityā ahunanām vairyānam,
θrityā dāidī mōi,
tūiryā uštavaityå vā spəntā mainyuš vā hātōiš haṇḍātā,
puxða yejhe mē aṣāṭ hacā,
xštvō dāidi mōi,
haptāθa uštavaityå vā spəntā mainyōuš vā hātōiš haṇḍātā.

āaṭ anyāhu ratufrišu cataŋrō daŋhåscāiṭ barəsmāṇ frastaraityō,
paoiryā yejhe mē,
bityā ahunām vāirān,
... dāitī mōi yē gām,

tūiryā uštavatayā gāθayā vā spəṇtā mainyēuš vā.
kvaē aētām asməm paiti-barāṭ aṇtarə ahuna airyanəmna.
103 uməmcīṭ ava vācim gāθanām asrutəm paiti-barō aratufriš.
pasca vā pari vā pairi barəṇti aratufriš.

... fracarāṭō aēva mazdayasna barəsmāṇ stərəṇti,
yō anu aēšqm taṭ ahma taṭ aēvē gāma.

āaṭ aēša yō arəmōidō aiwiərətō gātuš,
aēvayayaciṭ aēšō barəsmō stəraiti ratufriš.

frašāvayō aiwigāmi ratufriš paiti nōiṭ afrašāvayō.
kā frašūtiš yaṭ kvaṭ.

frā vā apa vā šāvayēti,
āaṭ hama yā paiti frayaṭ tā paiti āaṭ barəsmāṇ upa-baraiti.
104 yō anyehe dahmahe barəsma frastarəṇti frajasaiti,
yezi hōi dahmō aṇtarāṭ naēmāṭ hāθrahe aratufriš.
yezi āaṭ nōiṭ dahmō aṇtarāṭ naēmāṭ hāθrahe barō hāθrāṭ
fraθrāθvayō ratufriš nōiṭ aθravayō.

(3)

105 yō kəmcīṭ dahmanām apərənāyūnām aštəm dasti,
hā mē bara aēsmaca barəsmaca,
yezi ſē dāiti daðāiti aratufriš.
yezi āaṭ he nōiṭ dāiti daðāiti aratufriš.
nāirikām vā apərənāyūkəm vā aštəm dasti,
havāi raθwe paθayeiti.
daēvayasnəm vā tanupərəθəm vā aštəm dasti,

paoiryāi dahmanām pairi-gərəmyāi paθayeiti.

106 cvaṭ nā nitəma aēsmahe paitibarō ratufriš.

yaθa varəšnahe kəhrpahe dāuš.

107 havanaēibya ratufriš ayanjhanaēibya zəmaēnaēibya,
yezi anusvā aṇta.

nōiṭ astaēnaēibya nōiṭ draonibya ratufriš nōiṭ fravāxšnaēibya
ratufriš.

dāityō aēnyō hāvanō adāityō aēibyō.

108 cvat̄bya kā nitəmaēibya hāvanaēibya aratufrīš.

yāθra yaṣtuma huitīm hiš xistō.

cyāvaṇṭō aēte ḥsavō aŋhən.

baṣidrajanjhō aoge varəsō.

kaṭ hām θrisa vībaraṭ nōiṭ.

θrayām kvaciṭ upabarō ratufriš.

aētavaṭ āpō yavaṭ aētaēibyō upaŋharəštəe.

kva tāciṭ gēuš vīciθra paiti-barō aratufrīš.

asānaēnaēibya nā havaēibyāca na vaŋhavaēibyasca,

aθa haomya aθa apa aθa aiwyāŋhana,

havahe aēsma hava barəsmana.

109 cvaṭ aētaēšam ahurahe kāciṭ upa isāṭ-yavaṭ hāθrəm yō
aētišam nōiṭ kāciṭ upō isāṭ aētavaṭ apayaēša aṇtarə haθrəmcīṭ
aētəē anya upa isōiṭ yezi nōiṭ upōisaiti θri vā āzāiti ayarə drajō
vā vāstryāṭ yō upōisōiṭ nōiṭ vanasti

anascaiti

varəštasca maγnəntascīṭ srāvayōiṭ.

yezi išca nōiṭ isca nōiṭ anašavanəm aēništəm āstāraiti.

Pursishniha

4 mazdāi avaṭ ... vaxšaṭ manajhā.

6 vəhrkāi hizvām daðāiti yō azrazdāi māθrəm cište.

7 māciš aṭ vē drəgvatō māθrəscā gūštā sāsnāscā.
 āzī dəmānəm vīsəm vā šōiθrəm vā dahyūm vā ādāṭ.
 dušitācā marəkaēcā aθā iš sāzdūm snaiθišā. {y31.18} 8
 paoiryehē miθō uxtahe θriš maēsmə šāmən ašamāṭ
 bityehē xšvaš θrityehē nava tūiryehē θrī vā āzāiti sraošō-
 caranaya aštraya.

9 nōiṭ narahe nōiṭ jahikayā nōiṭ sūnō nōiṭ hū-xšaθryā nōiṭ
 daēvayasnahe nōiṭ tanu-pərəθahe.

10 hištəmnō vā ājhānō vā daθānō vā barəmnō vā vazəmnō vā
 aiwyāstō aθa ratufriš. {M37}

11 vaŋharəštasciṭ maγnəntasciṭ srāvayōiṭ,
 yezi ište yezi nōiṭ ište nōiṭ ašavanəm ainištiš āstārayeiti.
 {M109}

12 ahumaṭ ratumaṭ vahištəm vaocata spitama zaraθuštra,
 kəmcic̄t aŋhēuš astvatō aoi,
 marəntəm vərəzintəm sixšəntəm sācayanțəm paitišəntəm
 gaēθābyō astvaitibyō ašahe.

13 anaŋhvō aratvō acištəm,
 dužajhavō.

14 nōiṭ zī ciš asraošanām tanunām ašahe urva ciθyāi vīðāiti,
 nōiṭ kayaðəm haŋdaraite.

15 srāvayōiš staota yesnya.

16 mā zī ahmi nmānə mā aŋhe vīsi mā ahmi zaŋtvō mā aŋhe
 daŋhvō

frīm vaocata mām yim ahurəm mazdām,
 yaθa mē nōiṭ ātarš ahurahe mazdā fryō aŋhaṭ nāca ašava frāyō-

humatō frāyō-hūxtō frāyō-hvarštō.

17 tanu-mazō ašayāiti yō tanu-mazō draoxšaṭ,

tanu-mazō zī aētāmcīṭ ašayām pafre,

yō nōiṭ yava miθō mamne nōiṭ miθō vavaca nōiṭ miθō vāvarəza.

18 aēibyō yōi ḫt aθā vərəzyan yaθa ḫt astī,

ahurahyā zī aṭ vē mazdā yasnəmcā vahməmcā vahištəm.

{y35.6,7} 19 imā aṭ uxđā vacā ahura mazdā ašəm manayā vahəhyā fravaocāmā,

θwām aṭ aēšām paityāstārəmcā fradaxštārəmcā dadəmaidē,
[ašā] ašāaṭcā hacā vaŋhəušcā manaŋhō vaŋhəušcā xšaθrāṭ.
{y35.9,10}

20 niwyeiti zī spitama zaraθuštra ātarš ahurahe mazdā haca yaēšəntibyō aiwyō,

išūm vā arštīm vā fradaxštanām vā avaṭ paiti-pāpayamnō, vīdvā avaṭ hava xraθwa yezi mā hāu nā ava snaiθiša aoi ava-ašnavāṭ vī mām urvaēsayāṭ astaca uštānəmcā.

21 yasca mē tāyāsca hazahīxca vivāpāsca vīvarāsca draocinō-bərətāsca zaoθrā frabarāṭ.

22 stərənaoiti ana avavata starəmana yaθa narəm ašavanəm dušcā-zarətəm uparāṭ naēmāṭ nasuš aoi ava-θraviṭ, naēdaca pascaēta hō nā ahmaṭ haca gātaoṭ isaēta frašūtōiš nōiṭ apa-šūtōiš θrayām-cina gāmanām.

23 aēvayaciṭ aēsmō-bərəiti aēvayaciṭ barəsmō-stərəiti,

barəzyā ašava zarahehīm drujəm,

frādāiti ašəm,

vīspəm ašavanəm vahištəm ā ahūm,

šātəm daθāiti urvānəm ašaonō irīriθānahe.

24 hāuca iθra spitama zaraθuštra taxmanām taṇcištō paiti-jasāṭ

yō aēta hiškānanām hiškānōtəməm paiti-jasāt,
arəm-maiti humata mamne arəm-ūxti hūxta arəm-varšti
hvaršta.

25 hāuca iθra spitama zaraθuštra uxδō-vacaŋham uxδō-
vacastəmō

paiti-jasāt yō aēta ... driγūmca drīvīmca araθwyō-bərəte
barəmne paiti-jasāt,

[hvāmcit] ahmi hvāmcit xšaθre avač cōišta,
yejhe vacaphō nəmaŋha žnāθrəm,

āxsti saxəðrəm,

ārmaiti darəθrəm,

frārāiti vaēidīm,

ainiti aēšō vāxš.

26 kat tē asti ahunahe vairyehē haiθīm,

paiti šē aoxta ahurō mazdā manō bā vohu zaraθuštra

aðaoyamnəm aðaoyamnāt xrataot,

zazuš vīspaēšu vaŋhušu zazuš vīspaēšu ašō-ciθraēšu.

27 manan̄hasca humaiti hizvasca hūxti zastayāscā hvaršti
raθwyō-varšti,

nazdyō ahmi zaraθuštra azəm yō ahurō mazdā vīspahe aŋhāuš
astvatō manāscā vacāscā ſyaoθnaca,

yaθa nāŋha haca gaošāeibya yaθa vā gaoša haca θraŋhibya.

28 x̄arōiš haoməm zaraθuštra bisarəmca θrisarəmca yaθa

θrisarəm

nitəməm.

29 vīspaēca aŋtarə ašəm upa-stuyā,

fraorət fraxšni aoi manō zarazdātōi aŋhuyač haca.

30 vīspā aŋtarə vyānīš.

31 yeiti catica spitama zaraθuštra dahmō ašava haurvū ratūš

daθat̄,

aṭciṭ dim aiwyāiti yā dahma vanjuhi āfritiš uštrahe kəhrpa
aγryehe aγryō-mađu-mastəmahe.

32 nōiṭ tē ahmāṭ drājyō yeitīm framraomi spitama zaraθuštra
yām

dahmām vanjuhīm āfritīm,

yūnaṭ hacā humanaŋhaṭ hvacaŋhaṭ hušyaoθnāṭ hudaēnāṭ,
yaθa pāurvō aēvō-gavō aēvō-armō raŋham ava-nayein̄tīm
savavādəṭ cišāite.

33 kaṭ tē rāzarē taṭ zī mazda,

mazdā aṭ mōi aṭ rāṭqm ... uxðaliyācā sraošəm xšaθrəmcā,
para tē gao-spəṇta gao-hudā baodasca urvānəmca fraēšyāmahi
nazdišta upa θwaršta raocā narš cašmanā sūkəm.

34 ašai vahištāi yaṭ hupərəθwəm dāstō-ratu,

bərəzaṭ varəzi-haomanajhəm,

yaṭ irīriθānahe ašaonō šātəm daθāiti urvānəm.

35 āvišca nā aṇtarə hēṇtū nəmax⁹aitiš ciθrā rātayō,
tā āviš yā rātayō aṇtarə aməš̄əscā spəṇtə saošyāntasca,
frārātišca vīdīšāscā aṇtarə x⁹ādaēnāiš ašaoniš.

36 āaṭ yō aētahmi aŋhvō yaṭ astvaiṇti spitama zaraθuštra upairi
hunarəm manō barāṭ,

vīspəm aētəm paiti zrvānəm astarəma urva kāšayāṭ,

37 vīspəm ā ahmāṭ yaṭ hē manahi paiti ava-barāṭ,

āaṭ yaṭ hē manahi paiti ava-baraiti,

pascaēta azəm yō ahurō mazdā havāi urune urvāsma daēsayəni,
vahištəmca ahūm anaγraca raocā afrasanjhanca x⁹āθra,
vīspāyūmca uštatātəm yā narš sādra drəgvatō.

38 mā zī [mā] ahmi nmāne mā aŋhe vīsi mā ahmi zaŋtvō mā aŋ
he

daijhvō frim vaocata mām yim ahurəm mazdām,
yaθa mā nōiṭ ātarš ahurahe mazdā fryō aŋhaṭ nāca ašava frāyō-
humatō frāyō-hūxtō frāyō-hvarštō.

39 para mē aētahmi aŋhvō yaṭ astvaiṇti spitama zaraθuštra
θrišciṭ vahišta ajuhe astvaite vīsata,
manaca yasnəm yaṭ ahurahe mazdā āθrasca ahurahe mazdā
yasnəmca vahməmca hubərəitīmcā ušta-bərəitīmcā vanṭa-
bərəitīmcā,

naršca ašaonō xšnūitīmcā ārəitīmcā vyādāscā [paiti] paiti-
zaṇtayasca frāyō-humatahe frāyō-hūxtahe frāyō-hvarštahe.

40 māca tē iθra spitama zaraθuštra astvatahe aŋhēuš didrəzvō
pīsa manahīm ahūm paiti-raēxšīša.

41 yō zī spitama zaraθuštra astvata he aŋhēuš didrəzvō pīsa
manahīm ahūm paiti-irinaxti,
nōiṭ hē gāuš bvaṭ nōiṭ ašəm nōiṭ raocā nōiṭ vahištō aŋhuš yō
mana yaṭ ahurahe mazdā,

bvaṭ vīspanām acištəm paos̄ištəmca yaṭ ərəyaṭ daožaŋhum.

42 yavaṭ nū aša vanaiti spitama zaraθuštra vīspa taršuca
xšudraca vanaiti ava masanaca vaŋhanaca srayanaca.

43 nōiṭ nmānō-baxtəm nōiṭ vīsə-baxtəm nōiṭ zaṇtu-baxtəm nōiṭ
daijhu-baxtəm,

nōiṭ framānīm brāθranām āzūzušte,

nōiṭ astō hutaštīm nōiṭ tanvō hurustīm,

taṭ zī ašavastəm zaraθuštra shinma kahyāciṭ aŋhēuš astvatō yō
ašahe cinmavastəmō aŋhaṭ.

44 nōiṭ nū aētahmi aŋhvō yaṭ astvaiṇti spitama zaraθuštra aēvō
nōiṭ dva nōiṭ ərāyō nōiṭ frāyajhō ašahe,

nōiṭ ašayā frāšənti yōi nōiṭ driγaoš ašō-tkaēšahe avajhasca
θrāθraheca pərəsənṭe.

- 45 pouru ſyaoθna huðānuš afracīcīš havāi urune afravaocō
hava
hizva,
yō nōiṭ mäθrät spəṇtät.
- 46 nōiṭ hāu sūrō zaraθuštra yō nōiṭ aša sūrō.
- 47 nōiṭ hāu taxmō yō nōiṭ aša taxmō.
- 48 nōiṭ hāu [ās] vaozə zaraθuštra nōiṭ ahmāt vašata,
yō nōiṭ ašahe vahištahe bərəja framarətahe mayā vaoze.
- 49 yō nōiṭ narəm ašavanəm x̄āhva aθāhva jasəntəm xšnaošta
vā
xšnāvayeiti vā,
taēca spitama zaraθuštra aŋhēuš vahištahe ciθre paiθyānte,
yōi aŋhən nərəbyō ašavabyō ayaptō-dātəmasca aspərənō-
dātəmasca.
- 50 hō daðō ašəm upa-raoðayeiti yō drvaite daðāiti,
gāθwōištaciṭ vaca,
hvō zīdrvā yē drvāite vahištō.
- 51 ašəm vohū vahištəm astī.
- 52 ašālcīṭ hacā vaŋhēuš dazdā.
- 53 apascā dāt urvaråscā vaŋuhīš.
- 54 yačciṭ dim dava dātōiš uzrātiš,
nōiṭ aētahe uzarənō naēða varō avavāite.
- 56 nōiṭ hē dahmō anavahīm cayaṭ,
nōiṭ aðāiti frāraiθyanəm urviðyeiti,
tarō darəya dāta ašaonō zaraθuštrahe.
- 57 vīsaite ainyō usyō nōiṭ ainyō əvīsəmnō āstryeite.
- 58 ava vīsaēte naēðaciṭ āstryaēte.
- 59 darəsa nā pairyoxtacauzuštanā ādārayete nyete

uštanavaitīš
vīspā frašumaitīš.

Vicharkart-i Denik

- [1] 12 (11) dāta ahura spəṇta mazdā.
- [2] 23 (7) āaṭ yezi avi hē ajuhe astavaṇti spitama zaraθuštra
narām vā nāirinām vā pairi iriθyāṭ cvaṭ aētaēšām yāñhuyanām
avarətanām maēθananāmca vastranām paiti raēšyāṭ
24 avaθa hē x^vatō puθrəm aŋhaṭ aēvōbaγəm haca avarətanām
nisrinuyāṭ āaṭ yezi hvām nāirika bavaiti aēvōbaγəm paiti
nidaðāiti yezi duγdrāmhəṇti naēməm baγəm frajasāṭ āaṭ yezica
hē narō irista hva hizva uxðəm vācəm nizdasca narō daŋhrəm
paiti dyaēti vīspanām vacām uxðanāmca avi yām astavitīm
gaēθām harəθrəm frabarāṭ
25 yezi nōiṭ harəθrəm baraiti anāpərəθa haca ſyaoθna
avat yaṭ hē narō irista apuθrāi anhaṭ upa hē puθrəm fradaðāṭ
spitama zaraθuštra yahmaṭ haca puθrō haom urvānəm cinvat
pərətūm vīðāryaṭ.
- [3] 83 (11) gēuš vā aspahe vā varəsa.
- [4] 89 (4) yaēibyō aētaēšām nasukašanām nōiṭ xšayamana avi
jasəṇtām vīspanāmca apām aiwi tacaintām zaoθranāmca
haomavaitanāmca gaomavaitanāmca naēða āθrāmca
saošyaṇtām nōiṭ daraonō nōiṭ mašyō yō yaoždāθryō nōiṭ
nāirikayā ašaonyā vīspəm ā ahmāṭ yaṭ aētahe nsu kaša avi hē
baršnūmca yaoždaθāiti frasnayāiti varəsəm vā tanūm vā vasō
pascaiti xšayamana jasōiṭ avi vīspaēšā vōhū mazdaðāta
ašaciθra.
- [5] 96 (16) aparāðəmca hū frāšmō 97 dāiti āfrīnəṇti.

[6] 97 (6) duye hazanjrahe aspərənəm nidađat.

[7] 116 (10) nəmō avi zəmō vaydanəm hađa urva barənti.

[8] 125 (14) gēuš vā varəsa aspa vā varəsa yaθa aṭ hē gāuš varəsən vaŋhēuš sraošō fravacət ahurahe mazdā azəm spitaməm zaraθuštəm gəmcə varəsəmca avi hē daēnəm māzdayasnīm dātəm aŋuhı astavaintəm kərənavāni aēšō nā yō yaoždāθryō.

[9] 126 (15) yaθa yaṭ hē xšavaš ayara paourvaēibyō yasna miθra vouru gaoyaoitōiš

127 avi rāmasca x^vāstrahē hađa vīspaēşəm ašaonəm frayazənți haomavaitibyō gaomavaitibyō zaoθrābyō hađa ātraēibyō saocayaňtaēibyō

āaṭ pasca xšavaidīm ayaranəmca narō aŋhən ašavanō hacaiti varəsanəm avi hē yasnō kərətanəm uzgəurvayāt 128 vōhū manō yazata ahurəm mazdəm yazata aməşəspənta, avi xšnūmaine zaraθuštəhe spitāmahe ašaonō fravaşəē yaθa uzgərəptəm vā varəsəm vā paiti xšnaoθra ahurəm mazdəm frakərənavintəm pascaitē yaēvaca yavatātaēca avi hē paoirīm yasna upəməməmca mađəməməmca fratəməməmca frabarōi̇t.

[10] 136 (5) āaṭ yaṭ daraonō vanəntō stārō mazdađāto frāyazyāt caθwārō daraonō frakərəntənti aiwi x^varənti yaṭ aēšō nā yō yaoždāθryō.

[11] 137 (9) aṭ caθwarə ayaranəmca upa mənayəm yaθa jīvayəm humanəmca.

[12] 138 (7) āaṭ aoxta ahurahe mazdā azəm spitamōi zaraθuštō avi hē iristanəm tanūm vastaranəm yaoždātanəm fradađāiti yaθa paoiryō sravārō bityō antəma aiwyāŋhanō θrityō vəstrvi āθravana tūiryō aiwyāŋhanō būjyamanō puxda zarāđvəhə xaştvi paiti dānahe išar pasca puxdəm bandəm bandyāt yaθa aēva anguştəm aouyə žnaunəm θrāyō

139 maiðyehe tūrya zastaēibya puxða kuirisahe dva nara mat
nizbyəhə sraošō ašyō huraoðahe vīspanam vastaranam ašyā
vaŋuhya fradaðāiti spitama zaraθuštra aēvākəm narām ašaonam
ahunvitim gāθam frasrāvaynti pascaitī avi hē iristatanūm upa
daxma frabarōiš.

[13] 145 (1) yezi narō mazdayasnō haca gaēθābyō pairi
iriθyeiti āaṭ hē nāma haða pitō fragōurvayāṭ yezi nāirika pairi
iriθyeiti āaṭ yaṭ hē nāma haða paθanō uzgōurvayāṭ spitama
zaraθuštra aētəm vācəm nī aṇtarə mazdayasanam frasastayāṭ.
[14] 146 (4) avi hē aṇtarə daxmanam yaṭ iristanam kašinam ā
nərəbərəzanam kərənuyāṭ.

[15] 148 (3) yezi narō mazdayasnō avi aṇtarəca yasnyanam
ciθwārō ayaranam avavaṭ ciṭ sāstraca frajasāiti āaṭ hē narō
havam tanūm pairi yaoždāiti aētəm tūryanam yasnyanam
frakərənōiṭ.

[16] 155 (10) gēuš varəsō.

[17] 157 (14) yezi narō panca dasajhō sarəðō irīraiθyāṭ avi hē
urvānəm būjyānəm θrāyō ayara uzayarna raθyāṭ avi hē
urvānəm būjyānəm θrāyō ayara uzayarna raθwō 158
hanjamanəm frajasōiṭ āaṭ hē apuθra aŋhaṭ puθra fradaðāiti
yaθaca nara irista vīspanam avarətnam šaētavaitanam avi hē
frazaintim frajsōiṭ pascaitī nəmaŋuhaiti baoiðyeitaca urvāsnyā.

[18] 160 (10) yaṭ aēte yō mazdayasnō apərənāyūkō avi hē
hapta sarəða frajasāiti stəhrpaēsaŋhō aiwyāŋhānō paitiš
maiðyāi būjyamanō avi hē nara pascaitī nəmaŋhəṇti.

[19] 179 (6) yezi nāirika aētahe apuθrīm ujuštānəm nijasāiti āaṭ
hē puθram caθwārō māhyānamca upa dasa ayaranam nōiṭ
bavaiti avai hē daxma nōiṭ upaŋharəzāṭ aētaṭ hē nāirkā pasca
dvadasa xšaprāṭ haom tanūm yaoždāiti kərənaoiti yezi pasciti

caθwārō mājhō pairi dasa ayara bavaiti aētə yō mazdayasna
 aētahe daxma upaŋharəzaiti āaṭ hē nāirika pasca
 caθwārəstəmca ayaranamca haom tanūm 180 yaoždāiti spitami
 zaraθuštra.

[20] 180 (14) āaṭ aoxta ahurō mazdā yaṭ aēte yō mazdayasna
 aētəm srīrəm vastrəm stəhrpaēsaŋhəm hvām tanūm bāda
 paoirīm vaŋhanəmca haḍa vranō paitanəmca pascaiti
 aiwyāŋhānō ava hē maiidyānəm būjyamanō aētəm zī srīrəm
 vastrəm mainyū tāštəm hada manyavanām dāmanām avi mē
 fradaðāt ahurō mazdā ašava yaθa hē varanō paitanəm
 āstīmānyən hvarəxšāētahe aðāt haḍa hē vastaranām
 yaōždāθranām frāyaza vā nizbaya vā ahurai mazdāi aməšnām
 spəntanām spitama zaraθuštra.

[21] 184 (14) āaṭ aētahe panca ayara hamaspaθmaidəm paiti
 ratūm spəntayā ārmitōiš mājhō nōiṭ frasrāvayōiṭ.

Vaetha Nask

(1)

- 1 vaeθā daenyå māzdayasnōiš.
 ahurahe mazda mraoṭ,
- 2 taṭ narəm ašavanəm asta
- 3 paoiryō frā-darənjayaiti humatōi-byascā hūxtō-byascā
 hvarštōi-byascā,
- 4 pasca paita hvaršta ſyaoθnāvarəzi.
- 5 narəm vā nāirika vā puθrəm vā iriθyāṭ,
- 6 haḍa pādi spānəm naeṣyaəti,
- 7 hamat hada nasāvō Jainiti.
- 8 pascaiti dva nare hāstriš hābərəziš daðāiti.

9 pascaiti yaṭ iristi daxmanām bairyṇti.

10 taita pascaiti θri asna θri xšfna sraošahe ašyahe yaoždaya kərənaoiti.

11 hamat̄ haca he urvānəm θrīscīt̄ tarō pairitūm-cīt̄ he urvānəm vahištəm ahūm frapārayaən azəm yō ahurō mazdā.

12 ā-vahištāt̄ aŋhuṭ̄ ā-vahištāt̄ ašāt̄ ā-vahištaibyō raocaibyō āaṭ̄ barāmi,

13 āzyaiti kara āzyaiti maiδyaən amā vastrə buyāt̄.

14 mā aibyō haca zaṇḍa

15 yātūmarə-aṇtəm āzayaiti pərənāušaiti

16 pairəgərəptayāt̄.

(2)

17 mraoṭ ahurō mazdā spitamāi zaraθuštrāi.

18 uxđsnai-mašyō

19 gaođrā saŋharō

20 frazānaiti vaŋhā yaθa daŋjharō uxđō-vacā tanvaca

husravaŋhəm

uraonaeca

21 darəγəm avaŋhəm.

22 yā-kərə dārəšca dušmainyavanām apa-dazāt̄.

(3)

23 ādim pərəsaṭ̄ zaraθuštrō ahurəm mazdām,

24 yezi ahe daenyā māzdayasnōiš narəm aŋhaṭ̄,

25 aonyō-ťkaeša nāiriki pairi xšudrā fraŋharəzaiti,

26 hamat̄ haca puθrō zayaiti,

27 yezi ahe narō ſaētō aŋhaṭ̄ puθra daðāiti vā nōiṭ̄ daðāiti.

28 āaṭ̄ paiti-aoxta ahura mazdā

- 29 yezi ahe daenyå māzdayasnōiš narəm asti,
 30 ainyō-łkaeša nāiriki pairi xšūdrå frāñharəzaiti,
 31 hamāt haca puθrō zayati nōiť knyāi uštāni.
 32 yezi ahmāt buiđi mairyaiti,
 33 aθa narəm āstārayaiti yaθa pəšō-tanui.
 34 aetał he narəm ainyałkaeša bavaiti.
 35 nōiť tarō cinvał-pərətūm vīdārayanəm azəm yō ahurō
 mazdå.
 36 yezi ahe narō šaētō aňhat,
 37 naimi-rāθa puθra dađāiti naimi-rāθa ainya-łkaeša nāirika
 dađāiti,
 38 nōiť hväm mašyāki pərəgərə-ptayāł,
 39 āał narəm drvaňtam bavaiti.

(3a)

- 40 yō daenyå māzdayasnōiš kāmcīt narəm vā nāiriki vā
 41 łkaeša vā ainya-łkaeša vā paiti-ciš xšuđrå nōiť
 frāñharə-zaiti.
 42 nōiť frā-θwərəsaiti
 43 āał hväm tanūm ayaoždāiti kərənaoiti yavaca yavatātaca.
 44 ciθqm nōiť θwərəsaiti.
 45 paititəm ratūm nazdištəm bavaiti.
 46 āpəm ā-vā zəmō tacinți.

(4)

- 47 hapti haňti pańca zayana aš kərəta.
 48 tica həňti sarađa cavaňtəm zarvānəm
 49 satiš ašaonō dāta asi.
 50 āał yezi-ša barāł aevo yał iristəm.

51 nōiṭ maxša-bərətō.

52 yō vīsaṭ aitayām zaoθnām ātarəm ā-frabarōṭ yaθa narəm
dušaca
zarətəm.

53 hā-aoθrəm ahe ayatō.

54 yō aijhā zemō kanənte.

55 yō narəš ašaonō

56 iriθušō zēme kəhrpa nikainti.

57 parākavahe-māṭ nərəṭ.

58 nōiṭ pairištəm tūiryām ahmāṭ dahyunām.

59 vitastō frārasni aēšāmca narām,

60 yārə-drājō vīspā vīspō-sarədō.

61 aēšāmca narām a-iriθyāṭ spā-vainiti haši māciš barō aēvō.

62 aiwi-γnixti aduki-bari hayaiwi hābarayst aiwi-knixti,

haca tūirinām ahmāṭ dahyunām,

yārə narš haoθraheyatō,

təcō yāgərə,

bavaṇta,

barō-aspō vazō-rasθō,

hāstarš hā-bərəziš,

kərəaṇtō irišyāṭ,

pairiaeavayaiti daxmanām daðāiti.

63 hiθim ašavanəm bavaitəmca.

vīspəm taṭ paiti framərəzayaiti dušmatəmca dužūxtəmca
dužvarštəmca,

yaθa narəm ašavanəm ašaone.

(4a)

64 taṭ nā aŋhaṭ yā ašahe manyaiti yā ašahe išayaiti ašahe
upa-raoðayaити

65 yā-nasāumaitīm āpəm zaoθrām frajasāita.

66 aetaṭ he ſyaoθna pəšō-tanui yavaca yavatātaca ayaoždāiti.

67 ašaritāt gāirimи.

68 gātu ayam vā vīrata jasaṇti vā,
bāðaištəm vā haðaeti,

pərəgət,

tanūamca maeθyāt.

69 airyā pərəθa zimanayā,
mā aēibyō vīra jaṇti mā aēibyō spānəm jaṇti.
70 nase daevō druxš fradāiti.

(5)

71 mazdayasnāhe namāne ciθwārə-asnahe

72 myazəm daðāiti gaoməntəm maðumantə kairyaci.

73 aeti ciṇti həṇti myazdəm huðājhō urvaranam sarəðanam,
fravarə kərənōiṭ vāstarə vərəzyoīṭ.

74 barasmana pairi-baraiti maṭ-zaoθri yasnayasca frabarəti

75 ḥarənaŋhaṭtō aməšanam spəṇtanam frabaraiti ašəmca
vaŋuhim

frabaraiti humatåsca hūxtåsca hvarštåsca.

76 daenyā māzdayasnōiš miθrəmca vouru-gaoyatōiš sraošīmca
yim

ašavanəm vərəθraynaeca ahuraðāti ɳdayā sūryā vīspəmca pārə
daenyā māzdayasnōiš.

(6)

- 77 pərəsat zaraθuštrō ahurəm mazdám,
 78 yezi ahe ainyatkaeša narō drvatō aŋhvaiti,
 79 ahe narō vanjuhi daeni māzdayasnōiš išayata,
 80 avahe vīdaevō ahura-łkaešō gərəftayānti vā nōiť
 gərəptayānti.
 81 āať mraoť ahurō mazdå,
 82 yezi ahe ainyatkaeša narō darvatō aŋhvaiti,
 83 ahe narō vanjuhi daenyå māzdayasnōiš išyaiti,
 84 avahe vīdaevō ahurałkaešō āstaotaeibyō gərəptayāiti.
 85 aēšämca naräm vīsāvayaňti humatåsca hūxtåsca hvarštåsca.
 86 gāθanämca sraoθrəm zbayaiti.
 87 nōiť dužō-uxđu vərəzyaiti.
 88 aŋhať aēšämca naräm paourva vīspa dužō-šyaoθna
 vərəzyaiti,
 89 spayaiti vanjuhi daena māzdayasnōiš vīspəm dužō-šyaoθna.
 90 ağa narəm ava vanjuhi daena bavaiti
 91 yaθa ahe nā paourva daenäm asti,
 92 mānyən ahe aēšämca naräm ašāum bavaiti spitama
 zaraθuštra.
 93 aitišäm naräm vanjuhi daena māyaňti.
 94 aetayäm gātanäm dranjayaňti.
 95 aetayäm vīspa yaezaiti aišyanta.
 96 pascaiti harata hāsti harəntaca yaθa zafənəm baiṇdayāiti.
 97 aeša yām harəθaňti pascaiti gātanäm yazayaňti yata zafənəm
 franjharəzayaiti.
 98 ağa narəm vaŋhēuš daenyå bavaiti.

(6a)

- 99 asna pańca gātubyō gāθanāmca sraoθrəm zbayan̄ti.
 100 asnayaebŷō ašahe ratubyō,
 hāvana paiti gātubyō miθrəmca vōuru-gaoyatōiš yezayaiti,
 101 hvarə miθrəmca nā-maŋhaṇti.
 102 rapīθwana paiti gātubyō aša-vahiſta yezayaiti,
 103 hvarə miθrəmca namaŋhaṇti,
 104 uzayaēirana paiti gātubyō bərəzaṇti yezayant̄i,
 105 havarə miθrəmca namaŋhaṇti.
 106 aiwisiṛūθrəm aibigaya paiti gātubyō ašāunām fravašanām
 yazayant̄i,
 107 sraośimca ašīm vaŋuhīm yazayant̄i.
 108 ušahenāi paiti gātubyō sraošahe ašyehe maṭ kahmāic̄it
 drən̄jayaiti.
 109 māniciš daevanām darən̄jayaiti avahe-ciš narām
 daevayasnanām zbayant̄i.
 110 ava-he narām ahum iθya-jaŋhəm vīdāryaṇtəm azəm yō
 ahurō mazdā.

(6b)

- 111 aitišamca narām maesma maezayant̄i,
 112 jant̄ayant̄i aŋrō mainyaoiš drvatō.
 113 aevō ahuna-vairyā frasrāvayoiſ paiti zfənəm baiŋdayāt̄.
 114 pasca maizayaṇta kərənaṇtaca 115 humatâsc̄a gāθanām
 zbayant̄i.
 116 avahe Өri ašəm vōhū drvahe humatanām Өriš huxšaθrō-
 təmāi ciθwārō ahunəm vairīm frasravyaoiſ.

Vishtasp Yasht (blessings)

(1)

- 1 dahmō ahmi āfrī-vacā,
 paiti-aoxta zaraθuštrō,
 puθra kava vīštāspa,
 x'arənaŋhå me sadayehi,
 āaṭ aoxta zaraθuštō puθra kava vīštāspa,
 āfrīnāmi daj̄hupaiti vohu-jīti us-jīti darəγəm-jīti,
 jivaiti te narām jiviti te nāirikām jivaiti te puθrō,
 us-zayāṇte tanu-kərəta kəhrpa ḥayēuš.
- 2 ašava bavāhi yaθa zaraθuštrō,
 pouru-gāvō yaθa āθwyānōiš,
 paouru-aspō yaθa paouršaspahe,
 ašəm-mərətō yaθa kava husrava,
 ranjhām dūrē-pāranām amavā yaθa vifrō navāzō.
- 3 zayāṇte tanu-kəhrpa dasa puθra,
 Өrāyō yaθa aθaurunō,
 Өrāyō yaθa raθaēštārahe,
 Өrāyō yaθa vāstryehe fšuyantō,
 aēva te puθrō bavāhi yaθa jāmāspō,
 āfrīnəm kərənavāhi daj̄həuš vīštāspāi.
- 4 a-yaska a-mahrka bavāhi yaθa pəšō-tanuš,
 tižvantəm bavāhi yaθa miθrəm,
 saokavantəm bavāhi yaθa māṇhəm,
 raoxšnəm bavāhi yaθa āθrəm,
 zaranumaṇtəm bavāhi yaθa yaṭ asti zaranumatō mašyānahe.
- 5 pasca āfrīnəm aipi-jasaiti hazanrəm yārəm vahištəm ahūm
 ašaonām raoceanhəm vīspō-x'āθrəm.

aθa jamyāt yaθa āfrīnāmi,
ašəm voħū....

(2)

6 dasta aməm vərəθraγnəmca,
dasta gēuš x'āθrō-nahīm,
paiti-aoxta zaraθuštrō puθra kava vīštāspa,
dasta narām paourvatātəm stāhyanām vyāxananām vanatām
avanəmnanām haθravanatām hamərəθē stē rapatām
ciθravajhām haθravanatām duš-mainyuš stē rapatām
ciθravajhām.

7 yazata pouru-x'arənajhō yazata pouru-baēšazō,
ciθra vō buyārəš masānā.

8 āaṭ paiti-aoxta zaraθuštrō puθra kava vīštāspa,
masānā zavanō-savō,
ciθrəm vō bavā,
yūžəmcīt x'arənō yajəmnāi baxšayata āpa,
dasta nō təm yānəm jaiðyata ašíš vaṇuhi rātaca vouru-dōiθra,
hacatu pārəñdica raoraθa.

9 ciθrəm buyā tūmcīt yaθa he puθra kava vīštāspa,
poiθwəm buyā imāt nmānəm bərəzi-stūnəm gaosūrəm,
[ayasañha paiti tarō-piθwəm daiθyāt yaθa āθrava.] 10 hāmō-
nāfrō raēvatām paiti-aoxta zaraθuštrō puθra kava
vīštāspa daēnayāsca māzdayasnōiš,
yaθa brāθrəm vā brāta vā haħaya vā daēnāmca ācikatōišca
bavaṭ yō haxəðra havara yim aiwi-vinaṭ yō ašava zaraθuštrō.
11 aojīta zī zaraθuštra frašaoštraeibya jāmāspaēibya,
ašayata vāstryaθa puθra frašaoštra,
[uiti mraoṭ ahurō mazdā āi ašāum zaraθuštra.] 12 paiti-aoxta

zaraθuštrō puθra kava vīštāspa,
 mā xyāθa dužzaotārō mā afrayō-zaotārō,
 dužzaotārō zī ahmāt afrayō-zaotārō narō paouru raxsām,
 yaθa yōi ayazəmna aməšē spəṇtē yaθa tūm išaēta.
 ašəm voħū....

(3)

- 13 āaṭ iða tūm sañhāni tūm yaθa puθrō vīštāspāi,
 upa θwā satəm sāsnanām kərənaomi,
 θwām hacat-puθram hacat-paēmanyām kārayō vā paēmanyō vā
 xšviptyō vā,
 yaθa yaṭ te fravaocāma.
- 14 ahurəm mazdām snaošəmca ašīm daēnāmca māzdayasnīm
 vīspāmca
 vīspō-afasmanām vīspāmca vīspō-vərəzyām vīspāmca vīspō-
 haṇkərəθyām hacat-ašām frādaṭ-gaēθām snaota-gaošām vouru-
 rafanahīm narām ašaonām nipāθrīm narām ašaonām
 nišaṇharəθrīm narām ašaonām.
- 15 yā haca taēca ašā vidyaca ašəm frādatica ašahe gaēθā,
 naēdaca narəm ašavanəm vīduš-ašəm saošyanṭəm θwā paiti-
 irite,
 vīspō hāvanānō vīspō ātarəvaxšahe vīspō frabarəθrō vīspō
 ābərətō vīspō āsnāθrō vīspō raθwiškarahe vīspō
 snaošāvarəzahe.
- 16 vīspō aθausranō vīspō raθaēštārahe vīspō vāstryehe
 fšuyanṭō,
 vīspō nmānahe nmānō-patōiš vīspō vīsō vīspatōiš vīspō
 zaṇtəuš zaṇtupatōiš vīspō daijhēuš daijhupatōiš.
- 17 vīspō yūnō humanajhō huvacajhō huš्यaoθanahe

hudaēnahe,

vīspō yūnō uxđō-vacaňhō vīspō x̄aētvadaθahe vīspō dań
hāurvaēsahe vīspō humāyehe pairi-jaθnō vīspō nmānahe
nmānī-paθnyå.

18 vīspe [ā te ā θātuš] te ā ratūš yōi hēnti ašahe ratavō
θryasca θrisasca nazdišta pairiš-hāvanayō yōi hēnti ašahe
ratavō θrātōtəmō.

19 te puθra kava vīštāspa paiti sađre hamaraθanäm aurvaθanäm
θbišyantäm satāiš satōtəmō-sata hazanjrāi hazanjrōtəmō-hazanra
baēvarāi baēvarōtəmō-baēvara ahaxštaγnāi ahaxštōtəmō-
ahaxšta.

20 imat uxđəm vacō fravaocāt yaθa yał te fravaocāma,
dātō-vajhən ahura mazda,

azəm θwā yasna yazāne azəm θwā yasna frāyazāne imat dāma
yał ahurahe mazdā.

21 paiti dim pərəsał puθrō kava vīštāspa,
kana θwā azəm yazāne kana yasna frāyazāne imat dāma yał
ahurahe mazdā.

22 āał mraoł zaraθuštrō,
upa θwā kāljhāmaide,
tūm ahi puθrō kava vīštāspāi,
urvaranäm uruθmyanäm zasāi srīra urusta amavaiti,
aetał uxđəm vacō fravaocāi,
nəmō urvaire vaļuhi mazdađate ašaone.
ašəm voħū....

23 barəsmana he uzbārayał paoiryō vā bityō vā θrityō vā,
upa tū-nō aiwyāstə barəsma ašaya frastarətəm ašaya aiwyāstəm
anabdātəm avō-dātəm nitəmanämcił vasō-vatəm nitəmanämca

vasō-jan-nāirīm xšayantēm.
ašəm vohū....

(4)

- 24 āat aoxta zaraθuštrō,
puθra kava vīštāspa,
nizbayaēša θwā ahurō mazdā paouru-x'arənaŋha ahura mazda
θwāšahe x'aðātahe zrvānahe akaranahe vayaoš uparō-kairyehē,
nizbayaēša vātō taxmō mazdaðātō baγō-baxtō.
- 25 paiti-mruyā yaθa vā yaγ daθat̄ āyaptēm,
ahe bərətyat̄ drujō vanāne taxmō spəntō-ðātāi pouru-spaxštīm
ȝbišyantām paiti-jaitīm dušmainyavanām haθrānivāitīm
hamərəθanām aurvaθanām ȝbišyantām.
- 26 aētał uxðəm vacō framruyā paourvō vasna ſyaoθna tanūm
uzvarəzyat̄ puθra kava vīštāspa,
ātrəm spəntēm yazamaide taxməm həntēm raθaēštārəm yazūm
puθrəm ahurahē,
θwā paiti ātarō daēum kuṇdəm bañhəm vībañhəm avajanyat̄,
drujaskanām həm-pataiti drvatām daēvayasnanām mərəzu-jītīm
mašyānām.
- 27 paθām zrvō-dātanām upā θwayeiti yasna drvaite yasca
ašaone,
yaoždāθryō ašava pašca para-iristīm daēva drvanṭō duzdāŋhō
baodəm avaθa fratərəsənti yaθa maēši vəhrkavaiti vəhrkaṭ haca
fratərəsaiti.
- 28 garō spəntahe nəmāne yaγ sriṛəm karšta vīspō-paēsō
uzbārayat̄
haṇḍāta staotanām yesnyanām,
vacō uxðəm zī vā bavāt̄ hā vā,

nōiṭ nā paiθyāṇte še zaraθuštra,
nāca kainica hanāca,
haca baoδō hyāṭ,

paiti-aoxta zaraθuštrō puθra kava vīštāspa.

29 izyeiti zī spitama zaraθuštra pasca upa-stūtīm avaṭ asō
haṇḍātīm,

yaθa aspa aγrišyā aparat̄ hacā urvaēsāṭ fratarəm urvaēsəm
nāšəmna γanānā druja paourvainīšca.

30 izyeiti zī zavavat̄ izyatīca mazdyascīt vohu yaθana aŋhe
ayān

narasca nāirīsca,

nāca jōišca miždahe afrəraiti gərəwyeiti yō [gərəwyaiti yō] nō
aēšām aŋhunām hāṭam nidārō aŋhat̄,
naēdaca vaŋhe paiti ušta vaŋhō buyāṭ.

31 saošyās dīš vərəθraja āaṭ ahmāi he daδāṭ,

bavaṭ yō hahađre hanaire [āpō nōiṭ maēsmana gēuš zasta],
āaṭ tūm puθrō bərəθyāṭ,

bvaṭ yō asti snaoδō-manā,

yō nōiṭ aθa snaoδō-vacā,

yō nōiṭ aθa snaoδō-šaoθnā.

32 sraota me mərəždāta me,

jimama te daēsayama te zaraθuštra,

vaēm yōi aməšā spəṇta,

aheca aŋhēuš darəγāi haosravaŋhāi,

manahyeheca aŋhēuš darəγāi havaŋhāi urune asti vahištəm.

33 nī uštataite nī vahištāi anuhe nī ahurahe mazdā garō

nəmānāi

yaṭ srīrəm karšta vīspō-paēsō,

yaθa āaṭ aŋhaoṭ baoδō-baxtica yaθa māvaya yaṭ ahurāi mazdāi

srīrāi,
pərəsō disyatu yaθa māvaya yaṭ ahurāi mazdāi.
ašəm voħū....

(5)

34 baxšāṇti raēšca x^varənasca frayqhaθawδca aurvat-aspāca
usasca

ahmāi puθrāš daδāiti usaiti jamyāṭ tūm puθrō kava vīštāspa,
paiti-aoxta zaraθuštrō,
daēnayāsca māzdayasnōiš yaθa yaṭ te fravaocāma,
bavaṭ yō halhēdrāi hanaire.

35 bāda te framruyā,
tarasca ḡjhānō sarascaṇtīš x^varəθā bairyeiṇte,
te aēibyō bairyeiṇte aēšām dim frāyō-vohunām,
naēda θwām hām-paθyeiti drujō spaiti aθra,
xšaθrāṭ xšayamna xšōiθra,
mā θwā daēna māzdayasnīš aspahe sparōiṭ sparmaiti.

36 te ū hāmšištō vīspāhe ḡjhōuš astvatō,
bāda hištəṇtā tūm brātravaitīš,
bāda iđa hištahe anyehe dūrē srayanō x^varəṇtīš pərəspanaēšuca,
bāda θwām tarasca ḡjhānō saocayaṇta āiti nirāzayaṇti,
rāta vaļuhi mazdađāte ašaone.

37 hāmō-nāfrō raēvatqmca,
paiti-aoxta zaraθuštrō puθra kava vīštāspa daēnayāsca
māzdayasnōiš puθrō,
ahmāi vərəθraynāi drvatqm nāfrīm ṭbaēšō,
mā θwā aŋra manyavō maništīš āstāraite yaθa yaṭ varənaŋham
vahišta saocayaca kərənavō baosayāca valhēdrāsca varō-jinō
urvarō-strāmcā kərənavō.

38 ahmāi ātarš āfrīnāt,
ahmāi baoidi vījasāt,
xشنūtō aṭbištō hayḍaṇhum,
upa ḥwā haxšōiṭ gēuš vāθwa,
upa vīranām pourutās,
upa ḥwā vərəzvatica manō,
vərəzvatica haxšōiṭ ajuha,
urvaxš ajuha gaya jiγaēša tā xšapanō yā jvāhī,
baraṭ āyaptēm baxtaca nivaxtaca,
ḥwām taṭ upa-zbayata,
satavaēsa ārōima x'arənaṇhe aṇhe astvaiti,
x'arənazdā x'afīrā apaitiš-x'arəθā bavāni.

39 te mazda havām adasta,
upa-staoiti aēšām vacām aməm vərəθraγnəm dasvarə
baēšazəm fradaθəm varədaθəm vaxšaθəm,
āmrute nimruye hāmbara haθra ana gāθwya vaca,
garō-nəmāne ahurō mazdā jasaṭ paoiryō,
ḥwām taṭ upa-zbayata.
aşəm voħū....

(6)

40 aməšā spəṇtā aošaṇtā,
paiti-aoxta zaraθuštrō puθra kava vīštāspa,
sraošəmca ašīm nairīmcā saṇhəm huraoðəm ātarəmca ahurahe
mazdā barajāimca kavaēm x'arənō,
paourvō vasna šnaoθna tanūm pərəsāṇte.
41 āaṭ ḥwām tarasca xšapanəm xratūm pərəsāt ašavanəm,
āaṭ ḥwām tarasca xšapanəm xratēuš aēšayā jaγārayaṇtəm,
θrišicāt te hamaha ayān tanūm usrārayā gave huðāṇhe

vāstryanta.

42 aēšām xyāt zaraθuštra dañhištaēšva ratuθwəm,
 aēšām ratuš zaraθuštra ašahe daēsayāt pañtām,
 təm pañtām haθrayən haθra kaya añhā vərəθraynəm yał
 daēnayā māzdayasnōiš,
 avaθa narō hava urva aša vahišta usən frāyaṇtō,
 tarō pəšūm dūraē-srūtəm yim cīnvatō amavaṇtəm yim hupātəm
 aša-pātəmca.

43 āał yał tūm bavən dātā dāmən fratarənixma,
 zaraθuštrō paiti-aoxta puθra kava vīštāspa,
 Өwām tał upazbaya yał pātayasca nipātayāi māñjhəmca hvarəca,
 bavał yō haħəðre hanairyāi,
 āvōya aθra avadiðaēm,

uiti davata dušx'arənā aŋrō mainyuš pouru-mahrkō.

44 ąsta avaspayama vā davōsa vā apa x'āetəuš vā bavāt,
 aētahmācił nidarəjayən frā-hīmcıł nidarəjayən yezi nōił spā
 avacā vā,
 ađāityō-xratuš pasūm vā narəm vā raēšayāt,
 para he irišiňtō raēšəm cikayał baođō-hvarštahe ciθaya,
 cikayał sūnahe raēšō baođō-varštahe ciθaya,
 paoirīm dahməm iriθyāt paoirīm dahməm raēšayāt para hāu
 irišiňtam raēšō baođō-varštahe ciθaya.
 ašəm voħū....

(7)

45 upā Өwā haxšaēš ašāum puθra kava vīštāspa,
 satārə baēvarə-mištəm baēvarə-vaēðayanəm yārə-drājō,
 ašāum vīštāspa,
 azarəsō amraxsən afrityō apuyan būiri gaoš būiri x'arəθa būiri

vastra būiri anyaēibyō mazdayasnaēibyō.

46 bavaṭ ahmāi taṭ avaṭ āyaptēm yaθa yaṭ tā azēm fravaocāmi
amēšanām spēntanām x̄arənō,

baxšānti raēšca x̄arənasca fšuyān haθwaca aurvat-aspāca,
usasca usca ahmāi puθrāš daðāiti yā sūra vīspa mazišta,
bərəzaṭ iða srāvayeidiyāi ištōiš x̄shaθrēm ahurahe daθušō.

47 spēntasca mainyuš aŋrasca haxšaθa he katarasciṭ urūtatahe
kərətahe yasnāica,

yazica dēm hacayāṭ ahmākēm yasnāica araθwya vahmāica
x̄šayeta,

hāu araθwya x̄shaθra nōiṭ x̄shayeti.

48 ahmya araθwya aŋjhēuš daðāiti yahmya hāu daɪjhēuš
daɪjhū-paitiš,

ahmya aspa hubarāna ahmya raθa hvazāna,

x̄shaθrēm daiðiš zaraθuštra x̄shaθrēm apara daiðiš yazaoišcina.

49 āaṭ ana parō duškərəta,

āaṭ ana parō māθrō spēntō,

frā-te zāθəmca vaxšaθəmca azēmca iða frasnayeni frā te
kəhrpəmca təvišīmca yaoždaθāni,

kərənaomi θwām hacat-puθrām hacat-paēmanyām,

kāravaiti vā x̄šiptavaiti vā paēmavaiti vā raoγnavaiti

mazgavati frazaiṇtivaiti vā frā te hazajrēm hām azēm iða
frasnayeni gaoðanəm avi iða hanṭacinā yaṭ asti puθrahe θrimō.

50 mā mām dravō paiti daðaoiš,

yezi mām dravō tafanuš para urvāsmana varahe ana mātrām
daθaite vaŋuhīm spēntām ārmaitīm,

us aŋhā varənō barāhi γanahe paēma hāirišinām vīspanām
apipyūšinām.

51 ązahū dravō frātavaṭ,

parō āθrō baođō dūrāt nəmaiti yaṭ frīm daθušō ahurāi mazdāi
nōiṭ ḥwaṭ paiti vohu manō,
kaθa sīsraya ayaca te dišānaya ḫbištā həṇti vīspā,
yā həṇti spəṇtahe mainyēuš dāmān.

52 yām dūrāt paitišmarəṇte miθrō rašnušca razištō yāca daēna
māzdayasnīš,
te narēš paiti-šmarəṇtəm vərəjintəm saxšəṇtəm sācayaṇtəm
paitišaṇtəm yaθa yaṭ te fravaocāmi puθrō bərəθyāṭ
sairimananaṁ vahēdrāi.
ašəm vohū....

(8)

53 uštavaityā gāθayā sraoθrəm uxđəm vacō,
ušta ahmāi bāda ašaom puθra kava vīštāspa,
yahmāi ušta kahmāiciṭ vasē-xšayāṣ mazdā dāyāṭ ahurō,
kva aētām xšapanəm hvō urva vajhaiti.

54 āaṭ aoxta ahurō mazdā,
avaθa bā puθra frašaoštra,
asne vaγdanāṭ nišhiđaiti uštavaitīm gāθām sravayā uštatātəm
nimraomnō,
uštā ahmāi yahmāi uštā kahmāiciṭ,
paoiryām xšapanəm havō urva vajhaiti hūxte bityām hvaršte
θrityām paθā paiti vīcarənā.

55 θrityā xšapō θraošta,
puθra frašaoštra vyusā sađayeiti yō narš ašaono urva
arvarāhuca paiti baoiđišca vīšiđārəmnō sađayeiti,
ā-dim vātō upa-vāvō sađayeiti rapiθwitarāṭ hada naēmāṭ
rapiθwitarāeibyō hada naēmaeibyō hubaoiđiš hubaoiđitarō
anyaoibyō vātaeibyō,

- ā-dim vātəm nāñhubya uzgrəmbyō sađayeiti,
 āaṭ dim aoxta pərəsō,
 kudaṭ-aēm vātəm vāti yim yava vātəm nāñhubya
 hubaoiđitəməm jigaurvā.
- 56 aŋħā dim vātayā frērənti sađayeiti yā hva daēna,
 kainīnō kəhrpa srīrayā xšōiθnyā auruša-bāzvō amayā
 huraođayā huzarštayā bərəzaityā ərədū-faštānyā sraotanvō
 āzātayā raēvaṭ-ciθrayā paṇcadasayā raođaēšva kəhrpa avavatō
 srīrayā yaθa dāmən sraeštāiš.
- 57 ā-dim aoxta pərəsō yō narš ašaonō urva,
 cišca tūm carātiš ahi yām iṭ yava caraitinām kəhrpa sraoštām
 dādarəsa.
- 58 āaṭ he paiti-aoxta yā hava daēna,
 azəm bā te ahmi yuvan humanō hvacō hušyaoθna hudaēna yā
 hava daēna x̄aēpaiθe tanvō,
 cišca əwām cakana ava masanaca vanjhanaca srayanaca
 hubaoiđitaca vərəθrajastaca paiti-dūešayaňtaca yaθa yaṭ me
 sađayehi,
 tum mām cakana yuvan humanō hvacō hušyaoθana hudaēna
 ava masanaca vanjhanaca srayanaca hubaoiđitaca
 vərəθrajastaca paiti-dūešayaňtaca yaθa yaṭ te sađayemi.
- 59 yaṭ tūm aini avaēnōiš saocayaca kərənvəntəm baoišyaca
 yaθa
 valəđrāsca varōžəntəm urvarō-strəmcə kərənvəntəm,
 āaṭ tūm nišhiđoiš gāθāscə srāvayō apasca vanjuhiš yazəmnō
 ātrəmca ahurahe mazdā narəmca ašavanəm kuxšvnənō
 asnāaṭca jasəntəm dūrāaṭca.
- 60 āaṭ mām fritəm haitīm fritōtarəm srīram haitīm srīrōtarəm
 bərəxđəm haitīm bərəxđōtarəm frataire gātvō ālhanəm

fratarōtarām hādāyōiš,
aēta humata aēta hūxta aēta hvaršta,
āaṭ mām narō paskāt yazəṇte ahurəm mazdām darəγō-yaštīmca
hām-parštīmca.

61 paoirīm gāma frabaraṭ yō narš ašaonō urva humate paiti
nidađāt,
bitīm gāma frabaraṭ yō narš ašaonō urva hūxte paiti nidađāt,
θritīm gāma frabaraṭ yō narš ašaonō urva hvaršte paiti nidađāt,
tūrīm gāma frabaraṭ yō narš ašaonō urva anaγraešva raocōhva
paiti nidađāt.

62 āaṭ hīm aoxta pərəsō pourvō ašava para-iriθyō,
kaθa ašāum para-iriθyō,
kaθa ašāum apa-jasō [šitibyasca haca gaomavaitibyasca
vayaēibyasca haca māyavaitibyasca] astvataṭ haca aŋhaot
manahīm avi ahūm,

iθyejanjhataṭ haca aŋhaot aiθyejanjhūntəm avi ahūm,
kaθa te darəγəm ušta abavaṭ.

63 āaṭ mraoṭ yō ahurō mazdā,
mā dim pərəsō yim pərəsahi yim xrvāntəm āiθivāntəm
urvištravanāntəm paṇṭām itəm yaṭ astasca baoδaŋhasca vī-
urvīštīm.

64 x^varəθēm he bara zarəmayehe raoγnahe,
taṭ asti yūnō humanaŋō hvacanjhō hušyaοθnahe hudaēnahe
x^varəθēm pasca para-iristīm,
taṭ nāirikayāi frāyō-humatayāi frāyō-hūxtayāi frāyō-hvarštayāi
huš-hām-sāstayāi ratuxšaθrayāi ašaonyāi x^varəθēm pasca para-
iristīm.

65 fravaocāma zaraθuštrō spitama puθra kava vīštāspa

kām nəmōi zām ahura mazda kuθrā nəmōi ayenī.
ašəm voħū....